

LESWAO LA THEREŠO LEO

LE TSHEDIŠITŠWEGO MAHLO

¶ . . . kgobokane mosong wo Leineng la Morena Jesu, le ka morago ga go rapela kudu. Gomme mosong wo, ga se ka tsoga ka leselaphutiana. Ke bile mohuta wa thari, go tsoga, gomme ke a thanka yo mongwe le yo mongwe o a tseba ka baka la eng go le, feela bjale.

² Ke tlide gae, mosong wo mongwe, goba bošegong bjo bongwe, gomme moagišani wa ka o be a eme ka jarateng, yena le morwedi wa gagwe yo monnyane. Mosadimogatša wa gagwe ke mooki ka kamoreng ya bobelegelo ntle ka sepetlele. Kafao o be a swere le—le lehlaka ka seatleng sa gagwe, e ka ba botelele *bjo*, le no—no noute ye sennyane godimo ga lona, ripone tsoko, gomme selo se sennyane se rile, “Rakgolo Branham bjalo ka ya, ke a dumela, e ka ba 3:43 goba 4:43, Oktobere la 11.” Ka gona, tlhaloso ye kgolo gagolo ka fase ga lona, e rile, “O tšofetše go feta ka mo o naganago.” Kafao ke na le ditokelo tša semolao bjale go khutša boteletsana gannyane mosong. A ke nnete, Ngwanešu Wrigth, ge o—ge o eba rakgolo?

³ Gomme kafao ke a thanka eo se mohuta wa go mpha maitshwarelelo, gona, Kgaetšedi Kidd, mosong wo, go se beng godimo ge o etla kgauswi go tšwa Ohio. Ke nnete ke ikwela e ka ba mengwaga ye lesome bogolwane, ke a nagana, go le bjalo, morago ga fao. Eupša, bjalo ka ge bohole le tseba gore ke na le setlogolomorwa ntle kua, e ka ba boima bja šupa goba seswai, se sengwe boka seo, segotlane se sennyane sa sekobokobo nkilego ka se bona. Rile, “O no swana le rakgolo wa gagwe.” Kafao. . . . Gomme be ke no bona moo a ilego, moo Billy a ilego.

⁴ Kafao, bošego bja go feta, go tleng go theoga holo, morago ga go dira dipitšo tša ka, ke kopane le sehlopha sa bagwera ba go botega go tšwa Georgia le tikologo, gomme bohole re be re le ntle kua re lebeletše baisa ba bannyane. Gomme ke ba babotsana. Bjale, ba no ba . . . ka mehla ke ikwetše se sengwe boka, “Billy, o a boifa o ya go ba roba, le a tseba. Ke ba bannyane bjalo.” Gomme ke a dumela e bile Kgaetšedi Beeler o rile. . . . Ke be ke nagana. . . . O be a nagana seo le yena, eupša, morago, o hweditše ba be ba sa robege ga bonolo bjalo. Kafao, ke a nagana yeo e ka ba nnete.

⁵ Maabane morago ga sekgalela ke bile le monyetla wa go ba tlase go a mongwe a magae a kgaetšedi yo mongwe wa rena fa wa kereke, legae la morwedi wa gagwe; gomme ke a nagana le yena o fa kerekeng, mo ba bego ba ne matena a mannyane a letšatši la matswalo bakeng sa Ngwanešu Neville. Gomme o bile

le phihlelelokgolo ye nngwe a e fetilego maabane. Gomme kafao re re go Ngwanešu Neville, "Letšatši la kgontha la matswalo la lethabo," yo mongwe le yo mongwe wa rena, gobane ke ngwanešu yo mokaone kudu. Gomme, nneta, o sa tšo feta masomepedi tlhano, nthatana gannyane, kafao gona boka nna. Gomme kafao re nno e feta, lekga la bobedi. Yeo ke... Bjale seo ke go ba mokgalabje, ge o eya go feta mmaraka wola lekga la bobedi, le a tseba.

⁶ Ke elelwa mosong ge Frankie Weber a etla godimo fa. Gomme o be a le moagisani wa rena fa; morwedi wa gagwe o dule fale bjale. O ka Florida. Gomme Frankie le nna re ile sekolong mmogo. Gomme Frankie o beile ka gare neo ya gagwe ya letšatši la matswalo. Gomme ke be ke rera nako yeo e ka ba mengwaga ye meraro goba ye mene. Ke hlahletše Frankie go Morena Jesu. Gomme o beile kotara ka gare. Ke a nagana ke be ke le masomepedi pedi. Gomme o beile kotara ka gare. Ke naganne, "Oo, nna, o nyaka go mpotša gore Frankie Weber o ne mengwaga ye masomepedi tlhano bogolo? Fše! Nna, ke boifa nako ge ke eba masomepedi tlhano." Bjale ke lokišetša go bea ka gare ye meraro ya yona, kafao gona, ka pelapela. Kafao e—e no se tsee botelele go feta.

⁷ Ge ke lebelela godimo fa le go bona Ngwanešu le Kgaetšedi Kidd go bomasomeseswai a bona gomme ba sa tiile, ke a nagana, "Morena Jesu, ntshwarele go belaeleng, go masometlhano pedi." Gomme bona... O masomeseswai, gomme Ngwanešu Kidd o masomeseswai tee. A ke nneta? Masomeseswai tee. Gomme ba sa le ka bodireding. Ke a le botša, seo se re fa tutuetšo, a ga se? Nnete se a dira. Morena o re loketše ka nneta.

⁸ Bjale, go ne selo se setee feela se sebe ke se boifago, go ba le kopano fa mosong, gomme seo se... Se befile, se kwagala boka selo sa go goboša kudu go se bolela. Eupša ke ne bagwera ba bantši kudu bao ba tlago, go tšwa kgole kudu, go—go ditirelo.

Ga ke bone ba Evanses fa, eupša ba gona fa felotsoko, ke a thanka. Ga ba ke ba foša e tee. Gomme a le a tseba ke dimaele tše kae ba di otlelago Lamorena le lengwe le le lengwe go kwa ther? Dimaele tše makgolo a lesometharo. Ga ba kgone go dira leeto la bonnyane go feta ditolara tše masomešupa ka beke, go ya kerekeng, yeo ke nneta, nako ye ba etla fa le ka moka la bona, lapa la bona, go ya godimo fa, go lefa.

⁹ Bjale, e segó seo feela, eupša šo ngwanešu yo monnyane go tšwa tlase ka Alabama, o otlela e ka ba bokgole bja go swana beke ye nngwe le ye nngwe. Ngwanešu... Oo, nna! Ngwanešu "Welt"? [Ngwanešu o re "West."—Mor.] West. Ke... O lebega boka mošemané, go nna. Ke—ke tate, o ne sehlopha sa bana. Eupša ka mehla o no nkeletša, o lebega bofsa kudu, yena le mosadimogatša wa gagwe. Ngwanešu West.

¹⁰ Ngwanešu le Kgaetšedi Palmer ba dutše morago kua, go tšwa fase ka tlase ga Macon, Georgia.

Le—le Kgaetšedi Ungren, ka mehla ba fa, go tšwa tlase ka Memphis, Tennessee. A ba fa mosong wo? Ke—ke... Ka mehla ba a ba. Kgaetšedi Ungren le—le sehlopha go tšwa tlase ka Memphis, Tennessee, tsela, ya, morago ka morago.

Gomme go ne ba bangwe. Ke no... Ba no ba ba bantsi, go bitša. Ba bangwe ba bona, tlasetlase ka borwa bja Kentucky. Ba bangwe, godimodimo tikologong ya Chicago. Gomme ba bangwe ba tšwa Chicago, le ka godimo ga Chicago, tikologong ntle.

¹¹ Lamorena, Ke kwešišitše go be go le monna fa tsela yohle go tšwa California, o nno ba le nthatana ye nnyane go dula; o be a nyaka go mpona. Nnete, Ke be ke pitlagane, ka morago ga kopano. Gomme monna o ile morago, ntle le nna go mmona.

Yo mongwe o tlie ka gare go tšwa godimo ka Illinois, felotsoko. Ge eba monna yoo o fa mosong wo, tšona e be e le diapola tše bosebose tša mohlodi nkilego ka di ja. Gomme o ntlišeditše seroto sa diapola.

Gomme yo mongwe wa banešu go tšwa tlase ka Georgia, ke a dumela e be e le, goba felotsoko, o tlišitše sešuba se segolo sa dikoko, e ka ba se segolo *bjalo*, pampiri ya magapi. Gomme, oo, ka kgonthé ke tla kgona go di ja!

¹² Gonabjale, nna, nneta, nna ga ke je dijo tše bose mo matšatšing a, ga se nke ge e sa le go fulara ga mme wa ka. Ke nyaka Morena bakeng sa po—po pono ye mpsha. Ke no ja dilo tše boleta, gomme bjalo ka ge ke... tše nnyane nka kgonago go di fetša; ke lobile kelo ya boima bja masomepedi. E lego... Bjale, ga ke ikone. Ga ke... aowa. Seo, go no dira seo, seo ga se go fa seo go Morena. O nyaka go neela Morena bokaonekaone bja gago o nago nabjo. E sego...

¹³ Ke diregile go bona Ngwanešu Sumner le bona morago kua gape. E no ba ba bantsi kudu. Ke...

Boka, Lamorena la go feta, ke be ke bolela batho bao—bao ba dutšego le mama, le dilo. Gomme kgaetšedi wa go botega kgonthé o be a le fao. Ke lebetše go bolela leina la mosadi yola. Bjale, ge a le gona fa mosong wo, ke kgopela tshwarelo. Yo mongwe wa bona e be e le Kgaetšedi Beeler, gomme yo mongwe e be e le Kgaetšedi le Ngwanešu Steffy. Le ba bantsi kudu! Ke...

¹⁴ Lena bohole le ntseba gabotse go lekanelo go tseba gore ga ke se re, ge ke tshedišitše leina mahlo goba ke tshedišitše motho mahlo. Ba be ba botega bjang bohole! Gomme dinako tše dingwe go no dula fa, ke tla no bolela yo mongwe a nogo go tla monaganong wa ka. Eupša ke... Bakeng sa seo, ke ra sehlopha ka moka, yo mongwe le yo mongwe, le a bona, go no ba bose. Gomme ka gona, yo mongwe le yo mongwe, go ratega, go re lokela. Gomme ka kgonthé re leboga seo.

¹⁵ Gomme bjale, mosong wo, re ya go leka go batamela Lentšu la Modimo gape. Bjale, ke tla rata go dira setatamente se, gore go be go hlaka kgonthe, gore ga ke—ke no tla go kopano e ka ba efe go no bonwa. Ga ke tle kua go no re, “Gabotse, ke rata mohlomongwe go rapela go Morena go mpha mo—mo Molaetša wo o tla dirago batho go ikwela kgonthe gabotse le go goelela.” Re bile le bontši bja seo, eupša, gomme re leboga seo. Seo ka moka se lokile. Le a bona? Seo se a makatša. Le a bona? Eupša se ke nyakago go se tseba, ke, “Morena, Wena hlahlela dikgopololo tša ka ka go se sengwe se e tla bago thušo go batho, se se tla ba beago kgauswana le Modimo, seo se tla—seo se tla—seo se tla ba direlago se sengwe.” Seo, seo se ka se ba agego semoyeng kudu, eupša go ba aga ka tsebong le tšhabong ya Modimo, gore ba tle ba tsebe mokgwa wa go ema ge lenaba le etla.

¹⁶ Ke be ke bolela le kgaetsedi yo a bego a le godimo fa a etile beke ye, Kgaetsedi Palmer. O rile, o be a nyaka go tseba ke tsogile ka phela bjang ka nageng ye. Ke, o no tla ka fa, gomme, ya, nako le nako ge ke tia moedi ke a babja feela ka pejana ge ke tsena ka gare. Go no se be go phelega ka kgonthe ka moeding fa. Re tseba seo. Eupša Modimo o ne bana ba bantsi tlase ka fa. Gomme kafao le lengwe la matšatši a . . .

¹⁷ Ke nyaka Morena bjale, go hwetša Molaetša wa go otloga ka kgonthe go tšwa go Modimo. Le a bona? Gomme nna, ka thušo ya Modimo, ke no ikemišetša go swarelala go fihla A etla, ke gore go fihla A dira setatamente go nna. Gobane ke ikwela gore go swanetše go ba . . . Go ne se sengwe seo se lokelago go direga tikologong fa, gomme ke nyaka go tseba ke eng. Ke nyaka go tseba thwi go tšwa go Modimo, gore ke kgone gore ke O RIALO MORENA. Le a bona? Gomme nako yeo—nako yeo, lena, batho, ka nako yeo re tla tseba gore ga—ga se nna. Kafao, ke nyaka go leka go e dira bjalo, gore, goba, go kwa go tšwa go Yena pele.

¹⁸ Gobane, ge A bea Mantšu a Gagwe ka—ka go motho, gabotse, nako yeo ga e sa le motho gape; ke Yena. Ka gona ge motho a le bolela, ka boyenamong, gona le ka se be e ka ba eng golebjalo. Eupša ge Yena a, Lentšu la Morena, le le ka go motho, Le tla tšwelela, gomme ka gona le tla—le tla no ba nnete tlwa. Seo e bile se re romilwego ka Beibeleng, godimo e ka ba ka go tema ya 20 ya Doiteronomio, ke a dumela, Le rile, ya, “Šetšang, gomme ge yo mongwe a bolela Leineng la Morena, gomme go sa tle go phethega, gona se beeng šedi e ka ba efe go motho yoo.” Le a bona? “Eupša ge ba se bolela gomme sa tla go phethega, gona bokaone le se kwe,” le a bona, “gobane se tšwa go Modimo.”

¹⁹ Ke ka fao Modimo a nago. O ne lenaneo la Gagwe la ka mehla le beilwe ntle fa ka Beibeleng. Re tseba mokgwa wa go bala leo ntle. Eupša go ne dilo tše di itšego, tše—tše go Kereke le go nako le dilo, tše A se nago natšo di ngwadilwe ka fa Beibeleng, kafao O bea Segalontšu sa Gagwe ka go motho gomme ba Se bolela pele, le a bona, ba Se bolela pele. Kafao, ka gona, tsela ya

go ahlola motho yoo ke go hwetša ge eba se direga ka tsela ye ba se bolelago. Ka gona, ge se direga, se tšwelapele se direga ka tsela yeo, gabotse, gona re a tseba seo se tšwa go Morena. Gona re—gona re ne boitshepo, gona, go bea komana bakeng sa dilo tše di tlago.

²⁰ Ke nyaka go bala mafelo a mabedi goba a mararo ka Mangwalong mosong wo. Gomme ke nyaka go bala, pele, go tšwa Pukung ya Ekisodo, gomme ke a dumela e ka ba tema ya 4 ya—ya Ekisodo, go thoma ka yona.

²¹ Gomme bjale nka no tsebiša ge le sa ba komana go bala Mangwalo a, nka no tsebiša se ke nyakago go se bolela go lena, se Morena a se beilego godimo ga pelo ya ka go bolela ka sona, mosong wo. Ga ke tsebe se A ka se dirago ka yona, go batho; e ka lebanywa go motho o tee fa, mohlomongwe e ka ba go mongwe ntile lefaseng la theipi, go gongwe gape. Eupša ke nyaka go tsebiša, mosong wo...

²² Ke a nagana, Lamorena la go feta mosong, ke rerile ka *Hlatse Ya Therešo*. Gomme Lamorena le mosong, Morena ge a rata, ke nyaka go rera ka *Leswao La Therešo Leo Le Tshedišitšwego Mahlo*.

²³ Ke... Ngwanešu Palmer o be a mpotša, bošego bja go feta, gore Lamorena la go feta mosong ke boletše ka thuto... goba ke rile ke be ke eya go bolela, Lamorena le, ka “Magahlano a mane a Kereke.” Gomme ge ke ile ka gare bosegong bja go feta... ka mehla ke se ngwala fase. Se... Ga ke tsebe ge eba o swanela go dira seo goba aowa. Eupša ke ne dilo tše ntši kudu, go leka go nagana ka tšona. Ke hwetša se sengwe, ke swanela go se bea fase godimo ga ntsekana ya pampiri. Le a bona? Gomme ke ile go se lebelela, gomme se ke bego ke se ra ka seo e be e se tlwa magahlano a mane. Ke e boletše ka tsela yeo, therešo. Eupša se ke bego ke se ra, e bile, “Dibopego tše nne tša pušo ya Kereke.” Gomme go dira seo, ke swanetše go hwetša histori ye ntši mmogo. Gomme mohlomongwe nako ya go latela ke tla ba le yeo. Eupša go tšea nako ye ntši gannyane go feta ke bile, nako ya go ithuta, go e hwetša, gobane o swanela go ya morago le go hwetša matšatšikgwedi, le go ya pele.

Gobane, lena bohole, bohole ba kwešiša gore ke mogohle. Gobaneng, re nyaka go ba le nnete ye phosithifi ka dilo tše pele re di bolela. Di swanetše go ba nnete. Gobane, re eme fa, re swere ofisi ya godimodimo ye e swerwego ka lefaseng: modiredi. Gobane, gomme therešo kudukudu le nnete, go nepagala, re swanetše go ba ka tsela yeo. Re swanetše go tshephela go Modimo go se dira.

Bjale, ka go Puku ye Ekisodo, tema ya 4:

Gomme Moshe a fetola gomme o rile, ... bona, ba ka se ntumele, le ge e le go kwa segalontšu sa ka: ka gore ba tla re, MORENA ga se a tšwelela go wena.

Gomme MORENA o rile go yena, Ke eng seo ka seatleng sa gago? Gomme o rile, Lepara.

Gomme o rile, Le lahlele fase. Gomme o le lahletše fase, gomme le bile sephente; gomme Moshe a tšhaba pele ga yona.

Gomme MORENA a re go Moshe, Bea seatla sa gago, gomme o e tope ka mosela. Gomme a bea seatla sa gagwe pele, gomme a e swara, gomme ya ba lepara ka seatleng sa gagwe:

Gore ba tle ba dumele gore MORENA Modimo wa bo tatabo, Modimo wa Abraham, Modimo wa Isaka, le Modimo wa Jakobo, o bonagetše go wena.

Gomme MORENA go feta moo a re go yena, Bea bjale seatla sa gago ka lehwafeng la gago. Gomme o beile seatla sa gagwe ka lehwafeng la gagwe: gomme ge a se ntšheditše ntle, bonang, seatla sa gagwe se be se le lephera bjalo ka leswela.

Gomme o rile, Bea seatla sa gago ka go lehwafa la gago gape. Gomme o beile seatla sa gagwe ka lehwafeng la gagwe gape; gomme o se ntšheditše ntle ga lehwafa la gagwe, gomme, bonang, se be se fetogile gape bjalo ka nama ye nngwe ya gagwe.

Gomme go tla tla go phethega, ge ba ka se go dumele, goba go kwa go segalontšu sa leswao la pele, gore ba tla dumela segalontšu sa leswao la morago.

Bjale hlokamelang maswao a mabedi, gomme le . . . leswao le lengwe le le lengwe le bile le segalontšu. Anke ke bale temana ya 8 gape:

Gomme go tla tla go phethega, ge ba ka se go dumele, ešita le go kwa go segalontšu sa leswao la pele, gore ba tla dumela segalontšu sa leswao la morago.

Gomme go tla tla go phethega, ge ba ka se dumele gape go maswao a mabedi a, ga ešita le go kwa segalontšu sa gago, gore o tla tšeа meetse a noka, gomme o a tšeа godimo ga . . . naga ya go oma: gomme meetse a o a tšerego go tšwa nokeng a tla ba madi godimo ga naga ya go oma.

²⁴ Gomme bjale ka go Mokgethwa Johane, tema ya 1 gomme temana ya 6, re bala temana tše, goba temana ye. Mokgethwa Johane, tema ya 1 gomme temana ya 6. Gomme . . .

Go be go le monna a romilwe go tšwa go Modimo, yo leina la gagwe e bego e le Johane.

. . . monna a romilwe go tšwa go Modimo, leina la gagwe e be e le Johane.

²⁵ Gomme ka go Hesekiele 24:24, ke rata go bea Lengwalo le ka gare, go le leka go tšwa go Testamente ya Kgale, go ya go baprofeta, go ya go Testamente ye Mpsha; gore le tla kwešiša ke tsela yohle go kgabola, go tloga go Ekisodo, mathomong go fihla bofelong.

Ka gona Hesekiele o tla ba leswao go lena: le tla dira tšohle go ya ka mo a dirilego: gomme ge se se tla tšwelela, le tla tseba gore Ke nna MORENA MODIMO.

Bjale a re inamišeng dihlogo tša rena nakwana feela ge re Mmatamela ka tlhomphokgolo bjale ka tsela ya thapelo.

²⁶ Tate Modimo, re tla Leineng la Modimo wa Abraham, Isaka, le wa Jakobo: Jesu Kriste, moloki. Re a tla, re tseba gore O tla re kwa, gobane re tla e sego bjalo ka yo mongwe yo a sa tšogo tla ka moagong, eupša re tla ka sebete ka tumelo, re dumela gore se A se tshepišitšego, gore O tla se dira. Kafao re a kgopela, lehono, Morena, gore Wena o tla tšea mongwe le mongwe wa rena yo a lego gona, tsela yohle go tloga phuluphithing go ya bomorago bja moago, go kgabola ntle mafelo ohle, le go bula pelo ye nngwe le ye nngwe le go bolotša go kwa ga rena, gore Lentšu la Modimo wa go phela le ke le tle pele go tšwa Legodimong, mosong wo, le go tšhologela ka dipelong tša rena, gore re ke re dumele, ge re ekwa Lentšu la Morena le bjalo ka ge le badilwe go rena ka ditsebeng tša rena mosong wo. Gomme re Go leboga bakeng sa Lentšu la Gago. Lentšu la Gago ke Therešo.

²⁷ Gomme bjale, bjalo ka ge re bona diiri tše mpe di batamela, bogale bjhohle bja Modimo bo agega ka mafaufaung. Gomme ke kudukudu nako e ka ba efe gore go ka kgona go ba se sengwe se direga go setšhaba se seo se Go tlogetšego, gore go tla ba mothuthupo o motee wo mogolo wo o tla tlošago setšhaba go felela go mmepe wa lefase, ka ditšhošetšo morago ga wona, tša naga ya go hloka modimo ye e fišegelwago go dira bjalo. Ke a tseba gore, go na le go batamela kgauswi go Modimo, ba bonala ba eya kgolekgole. Go tsebeng gore Puku ya Kutollo le tšohle go theoga go kgabola Mangwalo e boleletšepele letšatši le, gona a re tšeeng tshebotšo, Morena, gomme re se be go tšwafa le go robala re otsela, bjalo ka ge go bile. Anke re tsoge gomme re itšhikinye renabeng.

²⁸ Anke re be le kwešišo, lehono, boka re se ra ke ra tsoge ra ba nayo pele. Anke dipelo tša rena di tuke kudu, morago ga letšatši le, gore go tla ba mollo wo o kgotleditšwego ka disoulong tša rena wo o tla swielago go kgabola naga ye, Morena, le bopaki bja go phela kae kapa kae re lego.

²⁹ Šegofatša balwetši le batlaišegi, bao ba hlokago, bobedi magareng ga rena le ka ntle ga bogare bja rena, batho ba Gago, mogohle.

³⁰ Šegofatša Lentšu la Gago, Morena. Hlwekiša mohlanka wa Gago, le bahlanka ba Gago bao ba theeditšego, gore, mmogo, re

ke re tlišwe temogong ya kgauswana ya go tšwelela ga Gagwe, go feta e ka ba pele ka bophelong. Ga ke rapelele feela ba ba lego gona, eupša bakeng sa bao ba tlago go kwa theipi go dikologa lefase, gore ba ke ba tlišwe ka Kerekeng ya Modimo wa go phela. Gobane re a lemoga go ne tsela e tee feela ye re ka kgonago go ba moleloko wa Kereke ye, yeo ke ka tswalo ya Moya, ka gona re kolobeletšwa ka Mmeleng o motee ka Moya o motee. Ke a rapela, Modimo, bakeng sa yo mongwe le yo mongwe wa bona go dikologa lefase, gore Wena o tla hwetša letago go Wenamong. Gomme anke re breakanye disoulo tša ren, gore ka kgoa e tee go dikologa lefase, re tla goeleta, “Ebile go le bjalo, etla, Morena Jesu.” Re rapelela se ka go la Jesu Kriste Leina. Amene.

³¹ *Leswao La Therešo Leo Le Tshedišitšwego Mahlo.* Batho ba nyakile maswao, tsela yohle go tloga go Farao go fihla lehono.

Gomme Jesu o re boditše ka na—na nako ye go tla bago banyakaki ba maswao, gomme o boletše, gore, “Wo mobe, moloko wa diotswa o tla nyaka maswao. Eupša, efela, ba tla amogela leswao.” Gomme moloko woo e be e le wa go amogela leswao la tsogo; o bego o tla fokola, le wo mobe, le moloko wa bootswa o tla fiwa leswao la tsogo.

³² Eupša bjalo ka Lengwalo le leo le robetšego pele ga ren, ka go Hesekiele tema ya 24 le temana ya 24, moprofeta yo o dirilwe leswao. Gomme leo ke leswao leo ke ratago go bolela ka lona.

³³ Monna yo o dirilwe leswao go Israele. Gomme gohle go theoga go kgabola Mangwalo, Modimo o šomišitše baprofeta ba Gagwe bakeng sa maswao. Gomme ka mehla ba tshedišitšwe mahlo. Ga se ba tsoge ba bonala ba swara leswao leo. Ka mehla ba lebelela leswao la maikutlo.

Ebile le Bafarisei ba matšatši a Jesu, ba rile, “Re bontšhe leswao go tšwa Legodimong.”

³⁴ Eupša Jesu o šupile go bona gore ba be ba tla hwetša leswao. “Le šetše le hweditše leswao.” O rile, “Le kgona go hlatha mafaufau. Le kgona go lebelela leswao lela. Le re, ‘Ge e le le lehubedu, le theogile, gosasa e tla ba boso bja go befa.’”

³⁵ Ge ba ka be ba lebeletše leswao, ba ka be ba lebeletše go Yena, gomme ba tsebile gore O be a le leswao la Modimo go bona; gobane diprofeto tša bona maelana le Yena di be di phethagatšwa pele ga mahlo a bona. Eupša ba be ba sa ntše ba nyaka leswao.

³⁶ Go makatša bjang gore batho ba tla dira seo, ba tla nyaka leswao ge leswao le le thwi le bona, thwi magareng ga bona. Bjale, Israele e be e tsene ka boemong bjo.

³⁷ Gomme dinako tše dingwe tlaišo yeo leswao leo le swanetšego go ya go e kgabola e a tlaba; tlaišego yeo Jesu a ilego go e kgabola, go netefatša leswao la Modimo, gore O be a le Mesia.

³⁸ Re a hwetša fa, moprofeta yo moswa yo ka leina la Hesekiele o bile leswao kgafetša, nako yohle. Ka fao a itlaišitšego yenamong! Lefelo le lengwe fa re a hwetša fa o robetše ka lehlakore la gagwe la nngele lebaka la matšatši a makgolotharo le masomesenyane. Modimo o mmoditše go hwetša dinawa tsoko le setopša tsoko, a di hlakanya tšohle mmogo, a se apea, gomme a se bea fase lehlakoreng la gagwe. Gomme a ye a robale thaeleng, gomme a robale ka lehlakore la gagwe la nngele, a nnoši; a se ke a fetoga, lebaka la matšatši a makgolotharo le masomesenyane. Naganang ka yona. Gomme morago o rile, “Fetogela ka go lehlakore le letona gomme o robale fao lebaka la matšatši a masomenne gape.”

³⁹ Gomme O rile fa, “O bona eng, Hesekiele,” rile, “gobane o rwele bokgopo bja batho, letšatši le lengwe le lengwe ke tla le balela ngwaga go bona.” Go beng, gore, letšatši le lengwe le lengwe o robetše kua, seo se be se era gore ngwaga ba tla ba ka bothopša, le gore makgopo a bona a tla gopolwa go Modimo, gomme Modimo o be a ka se sa kwa dithapelo tša bona gape.

⁴⁰ Eupša tliašego yeo monna yoo a ilego a swanela go ya go e kgabola, gobaneng yeo e be e le bohlokwa? Bontši bo maketše, gobaneng selo se sebjalo se swanetše go ba bohlokwa go monna go se dira. Ke ka gobane batho ba ka se bale Lentšu, gomme ba ka se rapele. Kafao, Modimo o ikeme, gomme O romela moprofeta wa Gagwe go ba leswao. Batho ba ka se bale. Ga ba tshwenyege go bala. Gomme ba ka se rapele, gobane ba kudu...ba ne dilo tše dingwe go dira. Ga ba kgone go tše nako go rapela. Gomme Beibele e a pora go bona. Ga e ne tiro ya go lekanel a bakeng sa matšatši a sebjalebajale, goba e ka ba matšatši afe.

⁴¹ Le a tseba, ke a dumela e bile Paulo o rile, “Le diepistola tša Modimo, di balwago ke batho bohle.” Modimo o šomiša batho bakeng sa maswao, go laetsa maswao a Gagwe. Gomme makga a mantši leswao leo, le nako ye nngwe le ye nngwe, gantsintši, ntle le ge e le batho ba ba kgethilwego, leswao leo le tshedišwa mahlo le go swaswalatšwa, go dirwa metlæ, go lelekkelwa ntle.

⁴² Le go sengwa, ebile le ka Testamenteng ya Kgale, ka matšatšing a baprofeta, ba be ba sengwa batho bao ba šešerekango kgopolong. Ba be ba nagana baprofeta bao ba be ba senyegile tlhaologanyo, gore ba be ba le se sengwe sa phošo ka monaganong wa bona. Gomme ba ba bona ba etla ka gare go tšwa lešokeng le-le go dira maswao, gomme morago ba gomela morago lešokeng gape. Gomme ba be ba dira metlæ ka bona, gobane ba be ba sa tsebe Mangwalo.

⁴³ Jesu o boditše Bafarisei, nako ye nngwe, maelana le tsogo. Ba rile, “Re bile le... Molao o bolela gore ge ngwanenšu a ehwa gomme a tlogela mosadimogatša a se ne—a se ne bana ba gagwe, gore ngwanab o swanetše go tše mosadimogatša yoo gomme a mo tsošetše bana go yena, mohu.” Gomme ba rile, “Re bile

le yo mongwe a bilego le banabo ba šupago. Gomme wa pele o tšere mosadimogatša, gomme a hwa, gomme a se tlogele peu. Gomme morago ngwanaboo o mo tšere, gomme morago a hwa; gomme go ya pele go fihla go wa bošupa. Gomme mafelelong mosadi a hwa.” Ba rile, “Bjale, ka tsogong,” rile, “bjale, o tla ba mosadimogatša wa mang, go ba šupa bao?”

⁴⁴ Oo, ke rata Lentšu lela! Jesu o rile, “Ka mehla le a foša, ka go se tsebe Mangwalo ešita le maatla a Modimo.” Oo, kafao a bego A ka tukiša seo ntle lehono ge A ka be a eme fa! “Ka mehla le a foša, ka go se tsebe Mangwalo ešita le maatla a Modimo.” Maatla a Modimo a bapetšwa ka Lengwalong. “Le foša gagolo.”

Morago O ile pele go re, “Ka tsogong ešita ga ba nyale goba go neelwa ka lenyalong, eupša ba bjalo ka Barongwa.” Ga se A re ba tla ba Barongwa, bjale, eupša ba tla ba bjalo ka Barongwa, dithatana tša thobalano di tla tšwa go bona. Ga ba nyale goba go neelwa ka lenyalong.

⁴⁵ Re phela ka letšatšing la boitshwaro... goba matšatši a go hwa a mmušo wa go hwa. Eupša go tla tla letšatši ge go tla ba Mmušo wa go se hwe o etla, gomme Mmušo woo wa go se hwe ke fao balopollwa ba tla phelago. Bao ba lopolotšwego, gomme ba... Bophelo bjo bo tlogelago mmele wo, go boela go Modimo yo a bo filego, bo tla bowa gape go tšwa Mohlareng wa Bophelo, letšatsši le lengwe, go rena go ya go ile.

⁴⁶ Ka fao lesogana le, moprofeta yo moswa, a dirilego sehlabelo le go neela bophelo bja gagwe ka moka go ba leswao go batho ba gaboo, kotlo ye ba bego ba eya go e amogela, gobane gore ba be ba le se re ka se bitšago “go hloka kgahlego.” Ba be ba sa nyake selo go dira le Modimo. Ba be ba sa dumele bona baprofeta, gomme ba ile ba no dira metlae ka bona. Gomme, eupša, ntle le, gomme ga go kgathale ke gakaakang ba bego ba sa nyake go le dumela, Modimo o bone gore ba le hwetše, golebjalo.

⁴⁷ Isebele o be a sa nyake go amogela gore Ahaba o be a le modiša wa gagwe, eupša o be a le. Modimo o bone gore a hwetše leswao, golebjalo.

Kafao ke setšhaba se lehono. Modimo wa toko le go botega, ka Lentšu la Gagwe, ga a kgone go tlogela e ka ba eng, se re se bonago se lokela go direga, ntle le go ba le leswao felotsoko. Ka mehla O bile le lona. Bjale, re swanetše go lebelela. Gomme ke ne nnete batho ba ba nago kwešišo ya gabotse ya Lengwalo ba tseba mokgwa wa go lebelela.

⁴⁸ Noage o be a le leswao ka letšatšing la gagwe, go batho, la go tla ga kahlolo. Noage ka letšatšing la gagwe o be a sengwa lehlanya. O be a le moprofeta. O be a sengwa yo a bego a se ne monagano wa go loka. Gomme monna o be a kokotela, ngwaga ka morago ga ngwaga, a aga areka, ge go be ebile go se meetse lefaseng eupša ao a bego a le didibeng. Gomme o boleletšepele se

sengwe seo se bego se nyefola, go monagano wa senama. O rile,
“Go tla meetse go tšwa godimo ka lefaufaung.”

⁴⁹ Ntle le pelaelo, gore ba bantsi ba ile ba re go yena, “Mpontšhe
mo a lego gona.” Saense e be e tla re, “Nka netefatša ga go meetse
godimo kua.”

Eupša, efela, ge Modimo a mmoditše gore a be a etšwa
mafaufaung, Modimo o tla bona gore Lentšu la Gagwe le a
phethagatšwa.

⁵⁰ Eupša ge go sa fele go se meetse ponagalong, ge go se gwa
ke gwa ba maru ka mafaufaung, gwa ke gwa tsoge gwa na
lerotholodi, ga se gwa ke gwa tsoge, gwa ba selo se sebjalo ka
pula, efela, nako yohle, Noage o be a lokiša Areka bakeng sa pula.
E be e le bohlatse bja go phela gore moprofeta yo o dumetše se a
bego a bolela ka sona, gobane o be a se lokišetša.

⁵¹ Gomme batho e ka ba bomang bao ka kgonthe ba dumelago
se o bolelago ka sona, o tla itokišetša sona.

⁵² A nka ema thwi fa, motsotso feela. “Ka letšatši la Noage,”
bjalo ka ge Jesu a boletše, “go tla ba bjalo ka go tleng ga Morwa
wa motho.” Ge dikereke, lehono, di dumela se di bolelago ka
sona, di tla dira se di se bolelago.

⁵³ Re ka kgona bjang go be re aga dihlwadieme tše kgolo tša
meago, le meago ya dimilione tša ditolara, le mekgatlo ye megolo
ya go atlalala le dilo boka tše, gomme re rera gore Kriste o a tla
ka nako e ka ba efe? Re ka kgona bjang go tšwelapele, go lebelela
godimo go diphuthego tša rena le go di bona di arogana go tloga
go maatla a Modimo le go ya ka go bolefase, le go le tliša ka
go kereke le go e hlakanya mmogo, gomme re le dumelela? Ka
baka la botsebalegi, le ka baka la dikgopoloo tša botsebalegi le
diphapano tša kerekeina, go leka go gola go feta mokgatlo wa go
latela, re ka kgona bjang go dira se re se rerago? Gomme lefase le
bona seo. Ba tseba seo. Kafao, bodumedi bo bile selo feela boka
go no ba wa tshepedišo, goba go ba wa sosaete sa se sengwe.
Bodumedi . . .

⁵⁴ Phološo ya Kriste ga se sosaete. Ga se go tšoena se sengwe.
Ke boitemogelo bja go phela.

⁵⁵ Bjale, Noage o be a tšweletša se a bego a bolela ka sona. O
rile, “Go tla meetsefula a kahlolo godimo ga moloko wo wa go se
loke. Gomme Modimo o tla tšholla go tšwa magodimong, pula,
gomme O tla tlatša mafula lefaseng ka moka.” Gomme o be a sa
dire seo feela, eupša o be a dira tsela ya go phonyokga gomme a
laletša batho go tla go yona. Eupša ga se ba ke ba mo theetsa.

⁵⁶ Eupša, Noage, bjalo ka moprofeta, o be a le leswao go moloko
woo, leswao le le bego le bolelwa gampe, monna yo a bego a
naganwa go ba monna wa segafi; a lokiša se sengwe, seo go—
go bego go se bohlatse le ge e ka ba kae, goba bo sego bja ke bja
ba, bjo go kile gwa ba tšhomiso e ka ba efe ya bjona.

Eupša ke tsela ye batho ba bonalago ba nagana lehono. Ba kgona go nagana ka boširelo bjo bo wago. Ke botse bofe boširelo bja go wa bo bo dirago ge go se ebile go tla bago mohlare goba leswika le le tlogetšwego lefaseng?

⁵⁷ Re ne boširelo bja go wa, Mokriste o nabjo. Bjalo ka ge ke boletše, Malamorena a sego makae a go feta, goba ke naganego felotsoko go bapa tseleng, “Ga se boširelo bja go wa. Ke boširelo bja go phohlomela, fao re welago ka gare ga Bjona, ka hlogo, ka pelo yohle ya ren, le soulo yohle ya ren, le monagano ohle wa ren, ka go Kriste, areka ya polokego ya Modimo.”

⁵⁸ Eupša, Noage, setsenwa, a sengwa ka letšatšing leo, ka bošilo bja go rera, le go dira leswao pele ga batho, a ba fa tshebotšo, o ahlotše lefase. “Ahlotše lefase, ka go aga areka,” ge go be go se meetse bakeng sa yona go phaphamala ka go wona. “O ahlotše lefase,” Beibele e boletše, Bahebere, tema ya 11. “O ahlotše lefase gomme o phološitše ntlo ya gawe mong, ka go lokiša,” le go beng leswao la Modimo, la go tla ga dikahlolo tša letšatši leo. A selo sa letago!

⁵⁹ Mengwaga ya moragwana, go tlile leswao le lengwe. E be e le Moshe, moprofeta. Leo e be e le leswao la Modimo go Israele. Ba be ba bile mengwaga ye makgolonne ka ditlemong. Gomme Modimo o ba lokišeditše leswao, feela pele ga tlhakodišo. Gomme o be a le leswao la tlhakodišo go Israele, gomme leswao la kahlolo go Egepeta.

⁶⁰ Noage o be a le leswao la tlhakodišo go batho ba gagwe, le leswao la kahlolo go lefase la go lahlega, mosedumele. Wona meetse ao a go kgama lefase le go nweletsa lefase e bile mokgwa o nnoši wa go phološa Noage. Selo se nnoši se kgonnégo go mo phološa e bile kahlolo.

Selo se nnoši se tla phološago Kereke lehono ke kahlolo, Modimo a bea kahlolo go wa ka lebelobel.

Eupša Noage o rerile go swana. O bile leswao.

⁶¹ Gomme bjale Israele, morago ga mengwaga ye makgolonne, ba thomile go llela tlhakodišo. Gomme Modimo ga se a tsoge a ikutolla Yenamong le go ipontšha Yenamong go fihla batho ba Gagwe ba le komana go amogela se A se bontšhago.

⁶² Bjale, oo, go ka thweng thwi fa! Ge e . . . Ka fao gore Modimo o tlogetše setšhaba se se ponoka. Ba tseba bokaonana. Dikuranta di e phatlaladitše, go dikologa le go dikologa le go dikologa. Maswao a go Tla Gagwe a tšweleditšwe. Gomme ba tšwelapele go ya thwi boka ba le hlokonomologa. Ga ba ne boitshwarelelo e ka ba bofe. Re mo bofelong.

⁶³ Modimo o roma feela baprofeta ba Gagwe ge batho ba nyaka moprofeta. Modimo o romela leswao la Gagwe ge batho ba le komana bakeng sa leswao. Eupša, selo e lego sona, batho ka mehla . . . Ba fihla lefelong mo ba nyakago maikutlo, goba

ba nyaka sengwe, "Re bontšhe leswao go tšwa Legodimong." Eupša ge Modimo a romela leswao, morago ga ba nyake go le bona. "Kafao le utilwe go tloga go mahlo a ba bohlale le tlhaologanyo, go utollwa go masea ao a tla ithutago." Ba le tshedišitše mahlo, leswao.

⁶⁴ Ka fao Israele e bego e swanetše go tseba, ge ngwana yola wa maleba a tswetšwe, ge ba lebeletše godimo kua gomme ba bone ka na—na nako ya mengwaga ba bego ba phela ka go yona, "Batho ba gago ba tla ba badiledi lebaka la mengwaga ye makgolonne, ka nageng ye šele, eupša morago ke tla ba ntšha." Ba be ba swanetše go be ba tsebile gore nako e be e fihlile, gomme ge ba bone ngwana yola wa maleba a tswalwa. Gore, ebile mme le tate, Amorama le Jogebeda, ba be ba sa boife ditaelo tša kgoši, gomme ba mo hlomela thwi ntle ka nokeng mo go bego go le dikwena; ga go le e tee ya tšona e kgonnego go mo loma. Ba bone go be go le leswao, eupša ba le hlokomologile. Ba be ba se komana bakeng sa lona.

Modimo o mo tlišitše thwi ka gare gomme a mmea thwi ka paleising ya Farao, gomme a dira Farao a mo godiše le go mo fa thuto yohle a bego a ka kgona go e hwetša, go laetsa (Modimo) ka fao A dirago dilo, morago a mo iša ka lehlakoreng la morago la leganata, go mo dira a lebale tšohle ka yona.

⁶⁵ Farao ke ge a mo hlahlala nako yeo. Modimo ke ge a mo hlahlala. Farao o bile le mengwaga ye masomenne go mo hlahlala, morago Modimo o tserere mengwaga ye masomenne go mo hlahlala, a mo dira a lebale tšohle ka yona. Tlhahlo ya motho; le tlhahlo ya Modimo.

Farao o be a hlahlala morwa go ba moetapele, motiplomata, bakeng sa mohlabani, molwi, bakeng sa Farao yo mongwe a tlago yo a tla swarago Egepeta ka go mafelo a yona a godimo, a kokobetša ditšhaba tše dingwe tšohle le go di dira di lefe tlhompho go Farao. Eupša Modimo o mo išitše ka lehlakoreng la morago la leganata, a e ntšhetša ntle ga gagwe yohle. Gomme a mmontšha, mo nakong ya metsotso ye mehlano, ka sethokgwā sa go tuka, gore O be a le Modimo wa go phela. Gomme a ntšha letšhogo lohle go tšwa go yena; a mmea komana. O be a le leswao.

⁶⁶ Modimo o nyaka batho ba Gagwe ba rapele. Gomme ge Israele e be e gatelegile, ka go seemo se sebjalo, go fihla ba sa kgone go ya bokgojana e ka ba bofe, nako ya bona e ile ya phethagatšwa gomme merwalo ya bona e ile ya bewa kgojana go feta se ba se nagannego, morago ba thoma go rapela. Gomme ge batho ba thoma go rapela, nako yeo Modimo a thoma go kwa. E be e le nako bakeng sa Lentšu la Modimo go phethagatšwa.

⁶⁷ Gomme kafao, ge Amorama le Jogebeda ba bone gore e be e le nako ya Lentšu go phethagala, ba ile go rapela, go Modimo. Gomme ka mehla ke bao ba rapelago ke bona ba nago

le morwalo, yena yo a hwetšago se sengwe. Ke bao ba rapelago, bao ba beilwego ke Modimo go dira bjalo.

⁶⁸ Re be re bolela mosong wo tafoleng ya difihlolo ge re be re hlaganetše go kgabola bja go bešwa le go ya pele, go ya kerekeng. Go bile se sengwe se boletswe ka monna yo a itšego yo a bilego, kgole go tloga fa, yo a boetšego morago go kgogeng disekerete morago ga ge a fodišitšwe kankere. Ke rile, "A mašokiša."

⁶⁹ Kafao nako yeo yo mongwe o boletše gomme o rile, "Seo ke selo sa go šiiša kudukudu go tloga go sona, se lego, go kgoga disekerete."

⁷⁰ Ke rile, "Ke a se tseba. Gobane, ke diabolo." Gomme ke rile, "Ke—ke diabolo." Gomme ke rile, "Gomme o ka se kgone go se tlogela ntle le ge maatla a Modimo a le godimo ga gago."

Ke tseba baisa ba babedi ka bophelong bja ka bja bosweng, bobedi bja bona ba be ba nyaka go ba banna ba Modimo.

Yo mongwe wa bona, ka pejana ge ke mo hlahletše go Modimo, a thoma go gotetša sekerete. O be a kgoga dipakana tše tlhano goba tše tshela ka letšatši, a no dula gomme a no gotetša se tee go tloga go se sengwe, letšatši lohle botele. Gomme o lekile go gotetša sekerete se sengwe, gomme Sengwe ga se nke se mo dumelela go se dira. O sepeletše godimo setofong, a sa tsebe gore Mangwalo a ahlola tšona dilo, gomme a bula setofo a kgoromeletše lepakana ka setofong. Gomme seo se e rarolotše.

⁷¹ Moo, moisa yo mongwe a bego a nyaka go ba Mokriste, gomme o lekile bokaonekaone bja gagwe. Olletše ntle go Morena. O di tlogetše, lebaka la e ka ba dibike tše pedi goba tše tharo. Gomme ge a etla go yenamong, ka seemong seo, o ile a lahlegelwa ke monagano. Gomme a tla go yenamong, gomme a ikhwetša yenamong ntle ka morago ga jarata, a letša kotikoti, a gafa. Kitimetše ka ntlong, ka pela ka kgonthe, a topa disekerete tša gagwe, gomme o kgogile lepakana pele a tlogela ntle mantšiboa ao, feela se setee ka morago ga se sengwe. Le a bona?

⁷² Yo motee o biditšwe. "Ga go motho a ka tlago go Nna ntle le ge Tate wa Ka a mo goga, gomme bohole Tate a Mphilego ba tla tla go Nna." A tshebotšo e be e era eng? E be e le Bophelo, go yo mongwe. O Bo bone. O ka se kgone go Bo bona ntle le ge Modimo a Bo utolla. "Bo utilwe go mahlo, a ba bohlale le tlhaologanyo, gomme bo utollotšwe go masea a a tla ithutago." Yeo ke nnete.

⁷³ Amorama le Jogebeda ba tsebile e be e le nako. Nako e be e le kgauswi e batametše.

⁷⁴ Gomme ke nyaka go bolela se ge ke sa bolela ka yona. "Ga se yo a ratago, goba yo a kitimago; ke Modimo yo a laetšago kgaogelo." Yeo ke nnete. Ke Modimo.

⁷⁵ Kafao, lehono! Oo, anke se se nwelele go teba! Ge eba, lehono, Modimo o go biditše, gomme o ikarogantše wenamong go tloga go dilo tša lefase, gomme maatla a letago a Modimo a

go hlwekišitše go tšwa go tšona dilo, o swanetše go ba motho wa go thaba kudukudu a lego ka lefaseng. Go bile dimilione bao ba bego ba ka e dira ge ba be ba kgona, eupša ga ba kgone. Ga se go bona go ba le yona. Le ke letšatši ge Kereke e bileditšwe ntle, e aragogantšwe. E a fapana, se e bego e le sona. Ee.

⁷⁶ Ge batho ba thoma go rapela, ge Israele e thomile go rapela bakeng sa moprofeta, Modimo o bile le moprofeta. Modimo o bile le moprofeta, nako yohle, gobane Modimo ka mehla o motabogo pele ga bona. O bile le monna a lokišitšwe, eupša O be a letetše batho go ya go rapela, batho go e nyaka.

⁷⁷ Nka kgona go bolela gore go bjalo le lehono! Se re se hlokago lehono ga se motsošeletši, ga se motho yo mongwe go mokgatlo tsoko o mogolo, yo a dirago dihlopha tšohle go kgatlofatša mmogo. Se re se hlokago lehono ke moprofeta yo a romilwego go tšwa go Modimo, ka Molaetša wo o tla ahlolago lefase. Modimo a ka no ba le monna, ge batho ba no ba komana bakeng sa yona. Le tseba se ke se bolelago. Yena o, mohlomongwe, nae felotsoko ka lefaseng, eupša batho ba swanetše go mo nyaka. Modimo ga a no katela dilo go theoga mogolo wa gago. O swanetše go se nyaka. “Ba lehlogenolo ke bao ba swerwego ke tlala le go nyorelwa toko, gobane ba tla tlatšwa.” Yeo ke nnete.

⁷⁸ Morago ga ge Moshe a lemogilwe . . . Morago ga ge batho, a ke re, ba tsebile gore ba be ba hloka moetapele, ba thoma go rapela. Ba thoma go rapela Modimo go ba romela moetapele, goba yo mongwe go ba ntšhetša ntle. Gomme Modimo o ba rometše monna, moprofeta. Yoo e be e le leswao la Gagwe. Bjale, ge monna yo e be e se moprofeta, ge a ka be a ile a tsoga, gomme a re, “Ke nna sehlalefiphethelela sa sešole,” Baisraele ba be ba ne tokelo go se dumele monna yoo. Gobane, Modimo, ka go nako ye nngwe le ye nngwe, ntle le go šitwa, o romela moprofeta. Bolela nako ye nngwe ka Beibeleng e kilego ya ba. Ka mehla ke moprofeta yo A mo romelago ka O RIALO MORENA.

⁷⁹ Ebile le Dafida, yenamong, sehlalefiphethelela se segologolo sa sešole seo Israele e ilego ya ba le sona, gomme, efela, Dafida o be a le moprofeta. Ka kgonthe, o be a le. O be a le moprofeta, Dafida.

⁸⁰ O be a letile batho go ba le kganyogo ka pelong ya bona go kwa moprofeta yo yoo A bego a eya go mo romela.

Nnete, go be go bile sehllopha bao ba rilego ba dirile, bao ba sego ba dira. Go netefatša moragwana gore ba be ba se nnete. Ba be ba nno hlakahlakana ka khuduego. Gomme Beibele e rile, “Lešaba la go hlakana le ile le bona.” E dirile eng? E tlišitše bothata ntle ka lešokeng. Gomme nako ye nngwe le ye nngwe, tiragalo e a dirwa. Oo, ke duma gore nka dira se se nwelele, gabotse. Nako ye nngwe le ye nngwe Modimo a romelago se sengwe, go na le ye mpe tsoko, kekišo ya senama ya yona, e ya le

sona. Nako ye nngwe le ye nngwe, ka mehla se sengwe, go itiriša go dumela ga sona; go go dulago ka gare botse le batho.

Eupša moprofeta wa mmapale wa Modimo o dula le O RIALO MORENA. A ka se tsoge a šutha go tloga go Lengwalo lela ge a romilwe ke Modimo.

⁸¹ Moshe o dutše tlwa go Lengwalo. Modimo o rile, “Ke tla ba ntšhetša ntle.” O rile go Moshe, “Ke go romile go dira mošomo.” Gomme Moshe o bile le boitemogelo. O be a kopane le Modimo. O bile le Lentšu la Morena.

⁸² Lebaka le Modimo a romago baprofeta ke ka gobane ba ne Lentšu la Morena. Lentšu la Morena le tla go baprofeta. Gomme ge a se ne Lentšu la Morena, gona ga se moprofeta.

⁸³ Go na le dikekišo tše ntši tša senama di leka go re ke bona baprofeta, gohle go theoga go kgabola mabaka, eupša ka mehla ba tloga go Lentšu la Morena. Eupša moprofeta wa therešo o dula tlwa go Lentšu. Bjale, le se ke la lebala setsopolwa sela. Moprofeta wa therešo o dula le O RIALO MORENA.

⁸⁴ Jesu o re seboditše ka matšatšing a mafelelo se se tla diregago. Eupša mo—mo mohlanka wa therešo, moprofeta wa therešo, ga a tsoge a šitwa go dula le O RIALO MORENA.

⁸⁵ Moshe o dutše le Morena. O be a le leswao. O be a le leswao go Israele gore letšatši la bona la tlhakodišo le be le fihlile, gomme o be a le leswao go Egepeta, gore letšatši la bofelo bja bona le be le fihlile. Gobane, ba nweletše ntle kua ka Lewatleng la go Hwa, moragwana, sešole ka moka sa Farao. Ba be ba le bofelong bja maatla a bona a sešole, gomme moprofeta o be a le leswao la bofelo bja setšhaba.

⁸⁶ Naganang ka yona, Modimo ke yo mogolo gakaakang, gomme O šoma ka bonolong bjang. Nnete, ge moserutegē a kgona go e kwešiša, serutegi se swanetše. Amene. Ge makgoba ka meleteng ya leraga ya Egepeta ba kgonne go kwešiša gore yoo e be e le moprofeta go tšwa go Modimo, gomme iri e be e le kgauswi, ke bontši gakaakang paleisi ya Farao e bego e swanetše go e tseba. Eupša woo ke mohuta wo o sa e tsebego. Woo ke mohuta wo o e fošago, ka mehla. Ge yeo . . .

⁸⁷ Moshe o eme, a lebeletše ka mafastere ale, go bana bale ba Israele ba feta kgauswi. Go Israele . . . Go Farao, ba be ba le makgoba le dimpša. Go Moshe, ba be ba le bakgethiwa ba Modimo. Beibele e boletše, gore, “Moshe o kgethile,” o dirile kgetho ya gagwe mong, “go tlaišega kgobogong ya Kriste, a e sema mahumo a magolwane go feta maipshino a sebe, gobane o bile le tefo ya moputso.” Moshe o tsebile gore bona e be e se diduba leraga; bona e be e le batho ba tshepišo.

⁸⁸ Yenamong, o tsebile o be a le mang. Ga se a ke a ba botša. Ba ile ba swanela go e lemoga, bonabeng. O tsebile, yenamong, se mošomo wa gagwe o bego o le sona, go—go dirwa. O tsebile

gore Modimo o mo tsošeditše morero wo, eupša ga se a kgone go ba botša. Ge feels ba be ba foufetše go wona, ga se a tsoge a ikutolla yenamong phatlalatša, go fihla ba e lemoga. Morago, ba bone leswao lela, gomme ba le tsebile.

⁸⁹ O rile, “Ke tla fa Israele leswao. Tšea lepara le; le fetoše noga. Ba ka se theetše, leo gona bea seatla sa gago ka lehwafeng la gago, se gogele ntle, iphodiše lephera wenamong, gona ba tla dumela. Gomme ka gona, ge ba sa le kwe, tšea meetse go tšwa Nile tlase kua, a tšhollele godimo ga naga ya go oma, gomme meetse ohle a tla ba madi.” Leo e be e le leswao la setšhaba. Batho ba tla le dumela. Ge, bona ba ba lego komana go le amogela ba tla le dumela ge ba bona leswao la Modimo le sepela, eupša setšhaba se swanetše go ba le se sengwe go fapania. Kafao, O e fa yohle leswao.

⁹⁰ Modimo o šomišitše monna, monna wa go kokobela, moprofeta, go ba leswao la bofelo bja seemo sela sa setšhaba tlase kua. Modimo, re romele yo mongwe. Re tsošetše yo mongwe. Ge batho ba Modimo ba ka ya go rapelela yo bjalo, O tla mo tsoša. Ke, batho ba swanetše go hwetša morwalo woo. Ba swanetše go phafoga. Ba swanetše go lemoga. Ba swanetše go tseba letšatši le re phelago ka go lona, gomme ke boemo bofe bo re dikologilego, pele ba ka tsoge ba phafoga.

Le ya thwi pele le phela go no swana le dirile ka mehla. “Swanetše go aga legae le leswa ngwaga wo. Ke swanetše go hwetša koloi ye kaonana go feta ya ba Jones. Ke swanetše go dira seo.” Oo, bontši kudu go se! Ge o lemoga, ga go kgathale. . . Seo se lokile. Eupša o swanetše go lemoga, ngwanešu, gore dilo tšohle tše di tla senyega.

Jesu o rile, “Le se boife yena yo a kgonago go bolaya mmele,” pomo ya athomo ya Russia. Le se boife yena yo a ka kgonago go fetošetša mmele wo go lerole la bolekheno, mo metsotsong e se mekae, “eupša boifang Yena yo a kgonago go fetola mmele ka tsela yeo le go lahlela soulo ka heleng.” Yeo ke yona.

⁹¹ Bjalo ka ge ke bolela le ngaka, ntle ka sepetlele ge mme wa ka a be a le kua, o be a bolela ka fao saense e bego e le ye kgolo ka gona, go šoma ka dilo tša go fapania tša mmele, le go bea sehlare ka go wona, le go bona ka baka leo se tla bolayago twatši ye e itšego, le go boloka tlhako ya bophelo. Ke rile, “Seo se a makatša. Seo e no ba go kgahliša.” Ke mo theeditše lebakana. Eupša ke rile, “Ngaka, ke mo go botse. Ke leboga seo. Seo se kaone. Ka—ka nnete ke leboga Modimo ka seo. Eupša, lebelela, o fetša bophelo bjohle bja gago go go lekeng go hwetša se sengwe ka tlholo. Eupša gobaneng nako ye nngwe o sa nagane ka Yo a e hlotšego, Yo a e dirilego, Yo e lego Mohlami wa yona? Modimo ke Mohlami wa yona.”

Mohlodi ke yo mogolo gakaakang go feta tlholo ye A e dirilego! Gobaneng re bea kgatelelo ye ntši godimo ga tlholo, ge

re sa nagane ka Mohlodi Yo a dirilego magodimo le lefase, gomme a dirile mmele le bophelo? A ka kgona go e senya nako e ka ba efe A nyakago, gobane ke ya Gagwe.

⁹² Se e ba selo sa go makatša kudu, go šoma ka mmele wa motho. Re leboga seo. Ba ka kgona go iša leihlo, go tloga go motho yo motee go ya go yo mongwe; go tsea ditšikana tše nnyane tšela, le go ntšha leihlo go tšwa nkgotlotswaneng ya motho yo motee le go le bea godimo ka nkgotlotswaneng ya motho yo mongwe, gomme motho yoo a ka kgona go bona go tšwa go leihlo leo. Seo ke selo sa go makatša.

⁹³ Go be go eba, ge mme, ge a be a eya go belega lesea, gomme le—le lesea le be le sa kgone go tswalwa, o be a—o be a dirilwe bjalo, gore ge lesea le be le sa kgone go tswalwa: mme le lesea, bobedi, ba ehwa. Yeo e be e le nnete. Eupša ga o sa kwa gantši ka yona, go be go fapano, mohlomongwe go se tsoge. Eupša lehono ba kgona go tsea mme yoo morago ga ge a šetše a le ka seemong sa go ba le lesea, gomme ge mme...ge mme ebile a sa ntše a le kgauswi ka go—ka go dinako tša go belega, o...ba kgona go iša mme go kamora le go mo fa seedibatši se sennyane, gomme ba ntšhe ngwana yoo, a be le tswalo ya tlwaelo, ba tše lesea. Re leboga seo.

⁹⁴ Mpotšeng tshepedišo e tee. O tswalela belefe ntle fa felotsoko, go tshepedišo ye ya meetse ka toropongkgolo, gomme setšang se se diregago go belefe kgolo. O tla e phatlola.

Eupša, efela, re kgona go ripa leoto, ra ripa letsogo, gomme, ka mohlololo wa Modimo, O tla fetiša madi ao ka tsela tsoko ye nngwe, mo nakong ya metsotswana, gomme a a kitimiša go dikologa ka tsela ye nngwe. O phološa bophelo bja motho. Ke mang a ka kgona go dira seo? Mpotšeng.

⁹⁵ Ripa tšhikakgolo, ripa mothalo mogolo ntle fa felotsoko ka meetseng, ge e pompa go tšwa belefeng. O tla dira eng? E leke gatee gomme o hwetše se se tla diregago. Ga go tsela e nngwe go feta ka thoko. E swanetše go thunya morago go belefe.

Ge nkabe Modimo a se a dira tsela bakeng sa madi go iphetiša ka thoko wonamong, ka pelapela, poelomorago e tee go ya pelong gomme o tla be o hwile. Nako ye nngwe le ye nngwe ge o be o hlaba monwana wa gago, e be e le lehu, ka pelapela. Nako ye nngwe le ye nnwe ge o sega felotsoko, seo se bula tšhikakgolo goba se sengwe, e be e tla ba lehu, ka pelapela. Seg a monwana wa gago, o tla be o hwile. Ke phetho. Etla thunyetša thwi morago ka pelong ya gago gape. E tla go bolaya. Eupša Modimo....

⁹⁶ Bjale, re nagana go a makatša. Re nagana go a makatša. Gomme re leboga ka fao saense e, ba kgona go tlema ditšikakgolo tše le go di tswalela di se tšwe madi. Sohle seo ke se sekaone. Eupša e bile Mang Yena Yo a hlamilego yeo? Le a bona? Re lebeletše gohle go dilo tša tlhago gomme re lebala

Mohlodi wa tšona. Le a bona? Re lebeletše dilo tšohle tša tlhago, gomme re lebala tšohle tša—tša semoya. Seo ke se re se dirago.

⁹⁷ Bjale, baprofeta ba Modimo, bona ba . . . ba ne Lentšu la Gagwe. Ke lebaka leo batho ba ba dumelago.

Ke lebaka leo Modimo a rilego go Moshe, O boletše morago kua ka go Genesi, bontši, ka go Ékisodo, tsela yohle go kgabola, “Ge go etla yo mongwe magareng ga lena, yo e lego wa semoya, goba, moprofeta . . .” “Bjale re ya go tseba bjang dilo tše?” O rile, “Ge a bolela se sengwe gomme sa tla go phethega, a bolela se sengwe gape, sa tla go phethega, gona se dumeleng.” Le a bona? Leo ke leswao.

⁹⁸ Kafao O fa Lentšu la Gagwe, e sego go baetapele, e sego go babušanoši, eupša go baprofeta. Khrushchev ga se leswao go lefase. Aowa, mohlomphegi. Hitler e be e se leswa go lefase. Eupša felotsoko, lefelotsoko, Modimo o ne moprofeta wa go kokobela o letile iri. Yena ke leswao. Ke leswao le le tla ahlolago lefase gomme le tla phološa Kereke. Moprofeta!

⁹⁹ Eliya o be a le leswao ka letšatšing la gagwe, moprofeta Eliya. Go ya . . .

O be a le mopr- . . . o be a le leswao la Lentšu la Modimo, kahlolo go Egepeta le tlhakodišo go Israele, ge ba be ba nyaka go mo dumela.

¹⁰⁰ Letšatši lela la sebe la Eliya, ge Israele yohle e be e ile morago go Modimo, ba be ba boetše morago ka sebeng. Ba be ba lebetše tshepedišo. Ba be ba lebetše ka go ntšhetšwa ntle ke Modimo, le Jehofa yo mogolo yo a butšego Lewatle le Lehubedu, le go ba ntšhetša ka ntle ga Egepeta, le moprofeta yo mogolo boka Moshe magareng ga bona. Ba be ba e lebetše.

Re e lebetše. Lena Mamethodist le lebala John Wesley. Lena Malutheran le lebala Martin Luther. Lena Mabaptist le lebala John Smith. Bontši bja rena re lebala Charles Finney, yo mogologolo go bona bohle.

¹⁰¹ Go boletše gore diphesente tše masomesenyane šupa tša basokologi ba Finney di swareletše. Diphesente tše masomešupa tlhano tša ba Moody di kgelogile ka ngwaga. Gomme tša ba Wesley, sehlopha sa bokgethwa, ba be ba kgeloga kgafetšakgafetša. Eupša Finney o bile le diphesente tše masomesenyane šupa. Yo monnyane, wa nthatana, yo mosesane, moisa wa hlogo ya lefatla o sepelela ntle go ya phuluphithing gomme o lebelela ka godimo ga batheeletši bale, ka mokgwa *wola*, gomme banna ba be ba idibala, gobane o ile a dula ka dithokgweng letšatši le lengwe go fihla Moya wo Mokgethwa o mo swere. O dirile. O be a le leswao go ya bofelong, e ka ba mengwaga ye makgolopedi ya go feta, ya tsošeletšo ye kgolo yela ye Wesley le bona ba bilego le yona, le kahlolo e etla pele.

¹⁰² O be a le leswao, moloko wola wa sebe. Gomme ka fao Eliya a kgonnego go ema kua, ka sebete le bogale, ka boyenamong, go se motho le yena, eupša o be a le leswao la Modimo.

Ka moka baruti ba be ba ile le Ahaba, ka tsela ya sebjalebjale. Ba be ba bile ba sebjalebjale ka molokong wola. Kafao Ahaba wa kgale, goba, Ahaba wa kgale, le go boelwa ga gagwe go gogolo, gomme go tlišitše kereke yohle ka go Bokatoli-... goba, e sego Bokatoliki, eupša e ka ba selo sa go swana: ka go bodiredi bja medingwana. Go ba tlišitše ka go lefelo fao ba bego ba le o ka re go ka ba. Bangwe ba be ba kgona go rapela ka tsela *ye*, gomme tokologo feela, “O kgona go dira e ka ba eng o nyakago.” Gomme ba tsena ka go mohuta wa seemo.

¹⁰³ Gomme ka fao gore Eliya o eme kua, ka sebete, ka O RIALO MORENA. O Modimo, re fe banna boka yola. O be a sa boife go botša Isebele ka seemo sa gagwe. O be a sa boife Ahaba. O be a sa boife gore o be a le phošo. O eme ka sebete, gomme a sepelela godimo go Ahaba, gomme o rile, “Ebile le phoka e ka se we go fihla ke e bitša.” Amene.

¹⁰⁴ O be a le eng? Leswao go moloko wola wa sebe. A Israele e le bone? Aowa. Ba mo segile, ba dira metlae ka yena.

O boleletšepele gore go be go tla ba komelelo, gore go be go tla ba—go be go tla ba bothata, tlala, tlalakgolo. Gomme o profetile ka sebete, a eme ka boyenamong, le O RIALO MORENA. O rile, “Morena, ba bolaile bohole ba therešo. Ba ba bolaile bohole. Ke nna ke nnoši ke šetšego, yo a emego le Lentšu la Gago.” Bothata bo be bo le ka eng? Lentšu la Modimo. Eliya o be a nyaka go dula le Lentšu. O be a le moprofeta wa kgonthe.

¹⁰⁵ Baprofeta ba bangwe ba rile, “Oo, gabotse, ga e dire phapano ye ntši. Jehofa ga a tshwenyeye, le a tseba.”

Jehofa o a tshwenyega. E swanetše go ba Lentšu la Gagwe. Gomme Eliya o eme ka sebete go Lentšu lela, ka O RIALO MORENA. Modimo o mo fa sephiri se sennyane, letšatši le lengwe. O rile, “Ke ne dikete tše šupago, Eliya, ba o lego hlatsé go bona, ntle fa. Ga ba ne sebete go lekanelo go tla ntle go e tteleima. Ba iphihlile tikologong ka dithokgweng. Eupša, efela, ka pelong ya bona, ke bona bahlanka ba Ka. Ga se ba ke ba koba letolo go Baali. Ba boifa go e dira. Eupša, Ke go fa leswao, gomme o leswao. Ema ntle kua, gomme ema ka Lentšu la Ka. Ke tla go hlokomela. Ba fe leswao, gomme o leswao.” Haleluya!

Modimo, re romele se sengwe boka seo, yo a tla bago leswao la Lentšu la Modimo. Gomme tshepišo ye nngwe le ye nngwe Modimo a e tshepišitšege e tla thekgwa ka go motho yoo, gobane ke yena leswao, leswao le le lebetšwego.

¹⁰⁶ Oo, ba naganne, gobane Ahaba e be e le kgoši ye kgolo gomme ditšhaba tšohle di be di mmoifa, go be go lokile go lekanelo. Eupša Eliya o be a le leswao la Lentšu. Yoo ke

moprefeta wa therešo, leswao la Lentšu. Kafao ge a be a le leswao la Lentšu, ga se ba mo dumela. Ga se ba be le mohola le yena.

¹⁰⁷ O bile leswao go mohlolagadi, ge Modimo a mo rometše go tloga Thabeng ya Karamela, go tloga... godimo nokaneng ya Kerithe. O mo rometše tlase kua, morago ga ge a fepilwe ke magokubu, gomme nokana e omile. O ile tlase ntlong ya mohlolagadi. A lefelo bakeng sa moreri go ya go lona! Eupša o ile tlase kua gobane Modimo o mmoditše gore a ye.

Eupša O ile tlase kua, o rile, “Ke mo laetše go go fepa.”

¹⁰⁸ O swanetše go be a bile leswao. O swanetše go be a bile leswao. Ge, a be a le ntle kua, a bile le bupi bja go lekanelo go dira kuku e tee, gomme yena le mošemane wa gagwe ba e je. Legapanala go lekanelo... Gomme oli ya go lekanelo ka legapeng, go dira tlhaelelo ye nngwe, go ya le bjona. O rile, “Ke ka ntle fa go topa dikgonyana tše pedi.”

¹⁰⁹ Ka go wola wa go šiiša, wa go fiša, moso wa tšhiritširi moisa wa motšofe wa sefahlego sa go lebega tšhitšiboya, moriri wo mopududu o lepeletše go theoga magetla a gagwe, o sepeletše ntle kua, gomme hlogo ya gagwe ya lefatla e phadima, a itshamile godimo ga sefero sa gagwe, o rile, “Ntlišetše meetse a mannyane a go nwa,” gomme o rile, “godimo ga fao, ntlišetše lerathana la sejo ka seatleng sa gago, kuku.”

¹¹⁰ O rile, “Ga ke ne bupi bja go lekanelo. Ke ka ntle fa bjale, go topa dikgonyana tše pedi, go direla morwa wa ka kuku ye nnyane. Ke no ba le go lekanelo go mo direla e tee le nna. Re ya go e ja gomme re hwe.”

¹¹¹ O rile, “Se boife, gobane, O RIALO MORENA.” Yoo ke monna yo re mo hlokago. E be e se aowa, “Bjale, e *ka no* direga, kgaetšedi. E *ka no* tla go phethega. Ga ke tsebe.” Aowa, aowa. Eliya o be a le phosithifi. “O RIALO MORENA. Seroto se ka se šitwe, ešita le legapanala le ka se omelele, go fihla letšatši le Modimo a romela pula godimo ga lefase.” Amene. Ke lena bao. Leo le swanetše go be e bile leswao la go lekanelo go yena.

¹¹² O emela kereke lehono. Morago ga ge Eliya a dutše le yena lebakana le lennyane... O bile le mošemane yo monnyane. O babjitše. Bolwetsi bja gagwe bo bile bjo bobo kudu go fihla go se sa na mohemo wo o šetšego ka go yena. O hwile. Nako yeo o dirile eng? Kereke e šetše e bone maswao ao. Eupša, eng, ka pejana ge masetlapelo a mannyane a etla, ka pela o nyaka go sola kereke bakeng sa wona. O nyakile go sola Eliya. O rile, “Wena monna wa Modimo, wena o tlide fa go biletša dibe tša ka kgopolong ya ka le go tšea bophelo bja morwa wa ka.”

¹¹³ Eliya o tšere morwa, a ya godimo ka kamoreng moo a bego a robala godimo kua, a mo latša malaong a gagwe mong, a ikala yenamong godimo ga lona, a re, “Morena Modimo!” Haleluya! “Romela soulo ya mošemane yo morago.” Gomme lesea la phafoga.

¹¹⁴ A le iša morago fase. Mosadi yola o lebeletše lesea, gomme morago a mo lebelela, nako yeo o tsebile se sengwe se be se le fao. O rile, “Ka se ke a tseba gore Lentšu la Modimo le ka molomong wa gago.” Amene. O be a le leswao go mohlologadi yola. Ge a bone maatla a Modimo, Yo a phedišago goba go kgonago bolaya, a tsošetša lesea la gagwe la go hwa bophelong, o rile, “Ka se ke a tseba gore o monna wa Modimo.” O e tsebile.

Ditšhaba lehono di tla le sega, boka ba dirile nako yela. Ba be ba ka se le dumele. Eupša mosadi yola o tsebile go fapania. E bile leswao nako yeo, bjalo ka ge a be a le leswao, go tsošetša morwa wa gagwe wa go hwa morago bophelong. Bona baprofeta ka mehla ke maswao a Modimo.

¹¹⁵ Ge Eliya nako yeo a biletšwa makgaolakgang, o rile, “Ge Modimo e le Modimo, direlang Yena. Ge Baali e le modimo, direlang yena.”

A e be e ka se be letšatši la go makatša bakeng sa Eliya lehono? Ge dipolitiki e le modimo, direlang yena. Re na le eng ka dipolitiking? Na re dirile eng? Ga re ne selo eupša sehlopha sa bomenetša. Ga re ne selo.

Eupša re lobile yo mongwe le yo mongwe, go nyakile mogwera yo mongwe le yo mongwe re nago le yena, go kgabola ditšhaba. Fa, beke ya go feta, re lobile ditšhaba tše pedi goba tše tharo go fetiša go bokomonisi. Re lefiša batho motšhelo le go hwetsa tšhelete ya bona, gomme re e romela godimo kua go fepa batho bale ba ba retologelago go bokomonisi ka pejana ge ba agegile. Ke boikaketši. Yeo ke nnete.

¹¹⁶ Re ipolela go ba Bakriste. A re beng bjalo ka Bakriste, gona, e sego go fepa tšona dilo ka mokgwa woo. Seo se ne ye nnyane kudu yeo—yeo . . . Motho wa mehleng wa pelo ya go loka o tla dira seo. Bjoo ke bodumedi. Yeo ga se phološo.

Batho ba bantši kudu ba dira bodumedi le phološo di hlakane. Bodumedi ke go fepa bahlologadi le bahloki, le go ya pele. Bjoo ke bodumedi. Eupša phološo ke Tswalo ye mpsha, go tswalwa gape. Go a fapania. Bodumedi, Mohammedan ke bodumedi. Go ne mabodumedi a mantši.

¹¹⁷ Bjale, godimo ga Thaba ya Karamela, letšatši lela ge a biditše makgaolakgang, gomme o biditše Ahaba le dikete tša baprista bao e bego e le ba tempele ya dikerekemaina tša bona, o ba bileditše godimo ga Thaba ya Karamela, o rile, “Etlang godimo fa. Kopanang le nna godimo fa. Ke tla emelana le sehlopha ka moka.” O dirile eng? O bile le O RIALO MORENA. O be a sa boife. O rile, “Neelang powana. Bitšang Baali. Anke Modimo yo a arabago ka mollo a be Modimo.”

¹¹⁸ Kafao, letšatši lohle, go fihla . . . go tloga mosong go fihla morago ga matena, ba be ba tabogela godimo godimo ga aletara. Ba itshegakile bonabeng. Ba goeleditše. Ba goeletša. Eliya o sepeletše morago le pele, o rile, “Goelelang kutšwana gannyane.

Mohlomongwe o ile leetong la go thea dihlapi, goba se sengwe. O ka ntle o a phegelela, goba se sengwe.”

Gobane, o bile le O RIALO MORENA. O be a kgotsofetše. O bile le Lentšu la Modimo.

Ngwanešu, kgaetšedi, ke eng go fetiša se motho e ka ba mang a se hlokago go feta tshepišo ya Modimo? Modimo o rile O tla se dira. Ke Abraham. O tšere Modimo go kgona go dira se A boletšego ka sona. O tsebile gore Modimo o be a tla kgona go se dira, gobane Modimo o boletše bjalo.

¹¹⁹ Kafao o—kafao o ba biditše go tla godimo kua. Gomme kafao ba itshegakile bonabeng, le go goelela le go goeletša letšatši lohle, godimo go fihla sehlabelo sa mantšiboa. Morago, Eliya, šetšang ka fao a se dirilego. Selo sa pele a se dirilego e bile go tokološetša matlapa a lesomepedi mmogo.

Modimo ga se a arogana. Dikerekemaina di aroganya dikereke, eupša e sego Modimo.

Yo motee o rile, “A o Mokriste?”

¹²⁰ “Ke nna Mobaptist.” Kafao seo se no se fete gore ke yena kolobe.

¹²¹ O re, “Ke—ke nna Momethodist.” Gabotse, seo ga se fete kolobe, gape, go Modimo.

¹²² Ke re, “A o Mokriste?” Go ba Mokriste, o swanetše go ba boka Kriste, o rwele Bomodimo ka go wena, ka Moya wo Mokgethwa, boka o wele ka Letšatši la Pentecost. E sego maikutlo tsoko, eupša ke ra Pentecost ya kgontha. Le a bona? Nnete.

¹²³ “Ke nna Mopentecostal. Ke nna Mooneness. Ke nna—ke nna mothrinithi. Ke nna . . .” Oo, nna! Ga go fete go re o be o le se sengwe gape. Ga go re selo go Modimo. Seo se a aroganya.

¹²⁴ Ke seo se diregilego tlase kua magareng ga bona banna ba baruti. Eupša Eliya o tokološitše matlapa a a lesomepedi mmogo, go laetša gore Modimo ke Modimo yo motee ka godimo ga bona bohole, a a tokološetša godimo mmogo.

¹²⁵ Kafao, ge a a tlišitše mmogo ka mokgwa woo, o bolaile powana gomme a e bea godimo ga aletara, godimo ga legong. O rile, “Bjale, go ba le nneta ga go bofora ka se, eyang le nkgele magapana a lesomepedi a meetse.” Gabotse o kolobišitše legong lela ka meetse. Oo, Haleluya! O be a nyaka go bontšha gore Modimo o be a le Modimo. Gobane, gabaneng? O be a swere O RIALO MORENA. O be a le moprofeta. O be a ne Lentšu la Modimo.

¹²⁶ Kafao ba dirile—ba dirile letšatši lela, ge ba re ba tla go rakela ka ntle ga kereke, ba tla dira *se*, se *sengwe*, ge o kolobeditšwe Leineng la Jesu, le dilo tše dingwe tšohle tše tša go fapania ka mokgwa woo: ditšiebadimo. Ke O RIALO MORENA.

¹²⁷ Motho wa go ratega, bošego bjo bongwe, o boletše le nna, o tlie a bea matsogo a bona go ntikologa, gomme o rile, “Ngwanešu Branham,” o rile, “Ke nyaka go go kgopela se sengwe.” O rile, “Ge o ka no itšimeletša gannyane, selo se seo o bolelago ka sona.”

Ka re, “Eng?”

O rile, “Kolobetšo ye yohle.” O rile, “Dikereke tša Chicago le gohle tikologong di no go nyaka gampe kudu, eupša di a boifa o tla bolela yeo.”

¹²⁸ Ke rile, “Nnete, ke tla e bolela. Ka nnete, ke tla e bolela.”

O rile, “Gabotse, yeo ke selo se nnoši ba nago sona kgahlanong le wena.”

¹²⁹ Ke rile, “Gona ga ba kgahlanong le nna. Ga se nna Yo a E boletšego. Modimo o E boletše. Ke hlolah e ka ba mang wa bona go tla go E netefatša go fošagala.” Le a bona?

¹³⁰ O rile, “Gabotse, o a bona, o—o swanetše go dumela gomme o dire kopanelo.”

Seo ke selo sa go swana ba bego ba nyaka go se dira. Amene. Ba Modimo ga ba itšimeletše. Aowa, mohlomphegi. Ga A itšimeletše.

O rile—o rile, “Bjale, Ngwanešu Branham, ke nyaka go go botšia se sengwe. A Morongwa wa Morena . . .” O rile, “Bohole re dumela Morongwa wa Morena. A Morongwa wa Morena o go boditše Ye?”

¹³¹ Ke rile, “Ga ke tshwenyege se Morongwa wa Morena a tla se bolelago. Ge E le, Morongwa wa Morena, O tla bolela Yeo. Eupša ge A boletše se sengwe go thulana, O be a se Morongwa wa Morena.” Ke rile, “Go sa kgathale se Morongwa, goba e ka ba eng gape a se boletšego, Paulo o rile, ‘Le ge Morongwa go tšwa Legodimong a ka rera ebangedi e ka ba efe ye nngwe go lena, a a be morogwa.’”

¹³² Barongwa le yo mongwe le yo mongwe, selo tsoko se sengwe sa go ikgantsha sa nama, se bolela ka Barongwa. Joseph Smith, Brigham Young, le ditumelothoko tšohle tša go fapano, tša Maadventist le se sengwe le se sengwe gape, ba bona mehuta yohle ya dilo boka tšeо, eupša ka mehla ke thulanong le Lentšu.

¹³³ Eupša, Modimo o thekga Lentšu la Gagwe. Ke Lentšu la Gagwe. Ke rile, “Ke Lentšu la Morena. Nnete. Lohle nkilego ka le tseba le rutilwe nna ke Yena. Ga se nke ka tsoge ka ya seminaring goba sekolong. Le tšwa go Yena.” Eupša ke rile, “ge eba e be e thulana . . . Ge eba e be e thulana le Leo, ke be nka se Mo dumele. Gobane, leo ke Lentšu la Modimo, ke la pele. Se sengwe le se sengwe gape e be maaka.” Lentšu la Modimo, dula le Lona.

¹³⁴ Kafao, Eliya, ge a feditše, o kolobišitše dikgong tšeо gohlegohle, ka magapana a lesomepedi a meetse. A a tšollela

godimo ga fao. O sepeletše ntle kua, feela ka go fola ka fao a bego a kgona go ba. Gobaneng? Modimo a ka se kgone go aketša. Modimo o mmoditše. O rile, "Morena Modimo wa Abraham, Isaka, le wa Israele, anke go tsebje letšatši le gore Wena o Modimo, gomme ke nna mohlanka wa Gago. Gomme ke dirile se ka taelo ya Gago, gobane ke O RIALO MORENA. Ke dirile seo gobane O mpoditše go se dira, gobane ke go ya ka Lentšu la Gago. Anke go tsebje bjale gore Wena o Modimo."

Gomme Mollo wa Morena o wele, wa tšhuma sehlabelo, dikgong tša go kolobišwa ke meetse, wa latswa maswika, le se sengwe le se sengwe gape, gomme wa tloša se sengwe le se sengwe. Morago Israele ya goelela, kete tše šupago, "Anke Modimo e be Modimo."

¹³⁵ Eliya, go botse bjang go bona wo monnyane wola, wa kgale wa go lebega go gwamalala, wo mosesane mmele wa go šošobana gohle, lepara le lennyane lela ka seatleng sa gagwe, legapano le lennyane la oli le lekeletšeego lehlakoreng la gagwe, ntseka ya mokgophwa nku o tatedišwe go mo rarela. Gobaneng, ba be ba tla mmea ka kgolegong lehono ge a sepetše mokgotheng; eupša ba dumelela basadi go apara dišothi; eupša nnete ba be ba ka se dire seo, le a bona, ka mokgwa woo, ba tšwela ntle. Kafao, ka gona, eupša šeba ba a tla. Šeba ba tla tlase, go kgabaganya go kgabola kua, go kgabaganya thaba, godimo ga lepara le.

¹³⁶ Bjale, Thaba ya Karamela, ga se le lennyane—lefelo le lennyane la go se be le selo le dutše ntle ka bogareng bja leganata. Ke thaba ye kgolo. E kitima, mohuta wa sekhetlo ka moka *wo*, gomme e kitimela godimo go ya ntlhoreng, gomme e lebelela ntle godimo ga lewatle. Gomme Eliya le Gehasi ba kitimela tsela yohle go ya godimo, ntlhoreng. Gomme Eliya o wele ka sefahlego sa gagwe kua, gomme a thoma go llela ntle go Modimo, ka mokokočlo wa gagwe o šotologetše thoko ya Bodikela, go lebanya letšatši. Mengwaga ye meraro le dikgwedi tše tshela, ebile le phoka ga se ya wa. O rile go Gehasi, "Eya o lebelele gomme o bone ge eba o bona e ka ba eng, leru ntle godimo ga lewatle."

Ema godimo ga thaba ye, a lebeletše ntle ka tsela *yela*, o rile, "Ga ke bone selo."

¹³⁷ O dutše thwi kua. "Modimo, ge batho ba ba sokologile, ge batho ba ba tlie morago go Wena, ge ba le komana go tloga go tšwa go ditsiebadimo tšohle tše le go tla morago go Lentšu la Gago, gona Wena o Modimo, go araba Lentšu la Gago."

¹³⁸ Anke ke bolele selo sa go swana lehono. Tšeа dikerekemaina tše gomme o di thubaganye, lebala phapano tše tša kerekeliina, gomme dira batho ba tle morago go Lentšu la Modimo, go mothalo wa go thalwa. Ke tla le netefaletša go ne Modimo yo a sa kgonago go araba ka Mollo.

¹³⁹ Anke batho ba bitše Modimo. Anke...?...bitše bakeng sa motho. Anke batho ba bitše bakeng sa moprofeta. Modimo o

tla mmea go lefelotiragalo. Ke hlohla ditšhaba go dira seo. Ewang ka sefahlego sa lena gomme le bitše Modimo, go romela monamoledi, gomme le šetše se se diregago. E nong go e dira nako ye nngwe, Modimo o tla araba. Modimo o a dira ka mehla.

¹⁴⁰ Wela fase gomme o rile, “Modimo, anke e be lehono. Batho ba ba kile ba ba kgahlanong le Wena. Batho ba ba kgaogane ka go mehuta yohle ya dikerekemaina ntle mošola. Eupša, lehono, O inetefaditše Wenamong. O Modimo. Gomme batho ba rile, ‘Lahlela Baali kgole.’ Gomme ke bolaile bona baprista ba dikete. Ba tlogile tseleng bjale, Morena. Dišitiši tšohle di sepetše, mapheko a mannyane ao a bego a re aroganya.”

Momethodist o tla rata go tla go rapela le Mobaptist; Mobaptist o tla rata go tla le Mapentecostal; wa go reresha ka pelong kua, ba kete tše šupago ba go botega. Eupša ga ba kgone go e dira. Ge ba dira, ba rakelwa ka ntle ga dikereke tša bona. Ba bangwe ba bona ga ba tshwenyege. Ba a tla, golebjalo. Yeo ke nnete.

¹⁴¹ Eupša anke bohole ba robe dikgethollo tšela gomme ba tle mmogo, le go re, “Re tla lebala dithutotumelo le dikatikasema tšohle tše fa, le se sengwe le se sengwe re balago go tšwa go sona. A re boeleng morago go Lentšu la Morena.” Šetšang se se tla diregago nako yeo. Modimo o tla ba tsošetša moperfeta, ka nnete O tla dira, yo a tla Le tlíšago thwi tlase go bona, ge ba le komana go Le amogela. Pele, ba swanetše go rapela. Modimo o letile.

¹⁴² A ga go makatše gore Modimo o nyaka batho go ba le kabelo ka go yona? Ge Jesu a lebeletše ntle godimo ga puno, O rile, “Puno e budule. Badiri ga ba nene. Lena rapelang Morena wa puno,” yoo e be e le Yena. “Lena rapelang Nna, gore Ke tla romela badiri ka punong ya Ka.” Ke karolo ye nngwe le swanetšego go e dira. Modimo o letile batho lehono go biletša mohlanka wa Gagwe ka tirong. Gomme mohlanka a ka se kgone go tsena ka tirong go fihla batho ba rapela. Modimo o letile.

¹⁴³ Israele ga se e kgone go tsena ka tirong tlase kua, ka maswao le matete, go ffihiha ba wele ka sefahlego sa bona gomme ba rapetše bakeng sa monamoledi. Modimo o be a ne monamoledi wa Gagwe. Modimo o be a ne moperfeta a kadietše godimo kua ka lešokeng, a mo lotile kua lebaka la mengwaga ye masomenne, a ba letile go ba gabotse, go rapela. Eupša ge ba lokile gomme ba thomile go rapela, ka gona Modimo o rometše monamoledi.

Modimo o tla dira selo sa go swana lehono, ge batho ba ka no tla mmogo, ba tla go rapela. Go lokile.

¹⁴⁴ O be a le leswao go baprofeta bale ba maaka le go Ahaba, gore o be a le mohlanka wa Modimo. O be a le moperfeta wa Modimo. Nako yeo, gape o be a le leswao go Israele, gore o be a kgona go tswalela magodimo goba go bula magodimo, ge a be a rata go. Ka nnete o be a le.

Mpotšeng ka yo a kgonago go tswalela magodimo, mpontšeng yo a kgonago go bula magodimo, ka ntle ga Modimo. Gomme Lentšu la Modimo, goba, Lentšu la Modimo le ne baprofeta.

¹⁴⁵ Mika, leswao go Josafate. Mika o be a le leswao go Josafate, gore Modimo o boloka moprofeta wa therešo kgauswi.

¹⁴⁶ Bjale hlokomelang. O bile le baprofeta ba makgolonne, Ahaba o dirile, gomme o bileditše ntle baprofeta bao ba makgolonne. Gomme ka mmtero o tee ba mmoditše. Gomme efela, botebong ka go pelo yela ya Josafate, monna wa Modimo, o tsebile go be go ne se sengwe sa phošo. O tsebile go be go ne se sengwe sa phošo. O rile, “A ga o ne yo mongwe gape?”

¹⁴⁷ “Morago ga ge makgolonne ba eme kua?” O rile, “Ba ke baprofeta bohle, baporfeta ba Jehofa.” Go ne ma—ma Mamethodist, Mabaptist, Mopresbyterian, Mountarian, oo, nna, nna, Matrinitarian, le mehuta yohle ya go fapano. “Re nabo bohle fa, gomme ka mmtero o tee ba re se ke setšaba se segologolo se lego gona. Ga re ne selo re ka se boifago.” Boka mošemane yo monnyane a letša molodi ka serapeng sa mabitla, le a tseba, ge a boifa. O se tshwenyege ka seo.

O rile, “Eupša a ga o ne yo mongwe gape?”

O rile, “Oo, ee, go ne yo mongwe fa, eupša,” rile, “Ke mo hloile.” Le a bona? O rile, “Ka mehla o bolela bobe ka naga ye. Ka mehla o re se sengwe se sebe se ya go direga go rena.”

¹⁴⁸ Josafate o rile, “Ke tla—ke tla rata go mo kwa.” Oo, ee!

O be a le eng? Leswao. Go sa kgathale gore ke mekgatlo ye mekae goba dikerekemaina, Modimo o sa ntše a sa ne moprofeta yo a dulago le Lentšu.

¹⁴⁹ Josafate o be a tseba gore Ahaba o be a lahliwe, gobane moprofeta yola wa kgonthe, Eliya, o bile leswao go setšaba, o rile, “Dimpša di tla latswa madi a gago, go tla fa.” Yeo ke nnete. O tsebile gore Isebele le yena ba bile le yona e etla go bona. O tsebile e dirile. Le a bona?

¹⁵⁰ Gomme Mika, Mika o rile... Ba—ba tlide godimo go yena gomme ba rile, “Bjale, ke tla go botša, ge o nyaka go tsena ka go mokgatlo wa go latela, ke tla go botša se o se dirago. O no dumelana gore bareri bohle ba ba nepile. Le a bona? Wena mmotše, ‘Eya pele godimo.’” Gomme ba rile, “Wena nno dumelana.” Ba rile, “Ke tla go botša se re tla se dirago. Re tla dira... Re tla bona gore o tsena ka go mokgatlo wa rena, ge o ka no dira seo, o a bona, ge o ka no itšimeletša ka dilo di se kae tša tše o bolelago ka tšona. O no bontšha, eya, dumelana le bona, eya pele le bona.” Huh-huh! A o ka eleletša moprofeta wa therešo wa Modimo a tloga go tšwa go Lentšu la Modimo? A o ka?

“Gabotse,” baisa ba ba rile, “eupša, re bone pono,” baprofeta ba ba makgolonne. “Re a tseba. Re baprofeta. Re a tseba, gobane re baprofeta.”

¹⁵¹ Mika o rile, “Ga ke belaele eupša se le bonego pono. Ga ke e belaele nthatana, ye le e bonego, pono, eupša ga e go ya ka Lentšu lela.” Amene. O rile, “Ke bone pono, le nna.” Amene. Oo, kgaogelo! O be a le leswao. O be a le leswao. O rile, “Ke bone pono, gomme ke bone Israele, boka dinku, di šwalalane thabeng, di se ne modiši.”

Gomme mookamedi yo mogolo yo, pišopo, o sepeletše godimo gomme a mo gatla ka molomong. O rile, “Moya wa Modimo o ile kae ge O tšwele ka go nna?”

¹⁵² O rile, “O tla bona ge o le ka kgolegong. O tla bona.”

Yena, Ahaba o rile, “Beang mothaka yoo ka kgolegong. Mo fepeng ka borotho bjo bja mahloko, gomme mo feng meetse a mahloko, go nwa.” O rile, “Ge ke bowa ka khutšo,” o rile, “nako yeo ke tla mo hlokomela.”

¹⁵³ Mika wa kgale o eme kua ka O RIALO MORENA. O rile, “Ge o ka bowa le neng, Modimo ga se a bolela le nna.” Hum! Yeo ke yona. O be a le eng? O be a le leswao, gore baprofeta ba Jehofa, baprofeta ba Modimo, o dula le Lentšu la Modimo.

¹⁵⁴ Le ne moprefeta yo a rego le swanetše go kolobetšwa ka go dithaetlele tša “Tate, Morwa, Moya wo Mokgethwa,” ke moprefeta wa maaka. Ge le re go ne moprefeta magareng ga lena, yo a rego, “Go ne Badimo ba bararo,” ke moprefeta wa maaka. Ga go Lengwalo la efe ya yona. Yeo ke nnete. Eupša moprefeta wa therešo wa Modimo o tla dula le Lentšu lela. Gomme ge pono ye e le thulanong le Lentšu lela, ga se moprefeta wa therešo go tšwa go Modimo.

¹⁵⁵ Ga go felo, ka Beibeleng, e ka ba mang a kilego a kolobetšwa ka thaetlele ya “Tate, Morwa, Moya wo Mokgethwa.”

¹⁵⁶ Lebelelang Paulo, godimo kua ka kgolegong, yo monnyane, Mojuda wa nko ya hakana, hlogolefatla, a robetše godimo kua, a fetša mengwaga ye masomepedi, kgolego ya Roma. O ngwadile mangwalo a. Bjale, le nagana moreri wa mosadi o naganne eng ka Paulo, ge a rile, “A basadi ba homole ka dikerekeng. Ga ke ba dumelele go bolela”? Ke a eleletša ba ka be ba ile ba šoma ka yena ka kgonthe.

Le nagana tšona dipišopo di naganne eng, tšona dipišopo, ge a boletše dilo tšohle tše tša go fapana, “Tlogelang selo se fa, le se fa, sohle se, sela,” Paulo a ba botša? “Mothaka yo ke mang, golebjalo, mothaka yo a robetše go kua godimo ka toronkong?” Eupša o be a kopane le Jesu. O tsebile se a bego a bolela ka sona.

Gomme go tšwa go sehlopha sela sa go swana, morago ga lehu la Paulo, mafelong ba bopile, go tšwa go sehlopha sela sa dipišopo le baphagami, go ya go Nicene Council, gomme seo se

bopile kereke ya Katoliki, ba tloga go Lentšu la Modimo. Fao go ttile ka gare ya lena “Tate, Morwa, Moya wo Mokgethwa.” Ke hlohla e ka ba mang, e ka ba kae, setšhaba e ka ba sefe, go e ganetša.

¹⁵⁷ O RIALO MORENA. Kolobetšo go šomiša thaetlele ya “Tate, Morwa, Moya wo Mokgethwa” ke maaka. O RIALO MORENA. Ke laela yo mongwe le yo mongwe wa lena, godimo fa goba go theipi, yo a sego a ke a kolobetšwa Leineng la “Jesu Kriste,” go kolobetšwa gape Leineng la Jesu Kriste.

¹⁵⁸ Paulo, ka go Ditiro, 5:9, goba 19:5, o rile, “A le amogetše Moya wo Mokgethwa ge e sa le le dumetše?”

Ba rile, “Ga re tsebe ge eba go na le Moya wo Mokgethwa wo o itšego.”

O rile, “Gona le kolobeditšwe ka efe?”

¹⁵⁹ Ba rile, “Re kolobeditšwe,” eupša e sego ka kolobetšo ya Bokriste.

“Tate, Morwa, le Moya wo Mokgethwa” ga se kolobetšo ya Bokriste. Ga go Mokriste a kilego a kolobetšwa ka mokgwa woo, ka Beibeleng goba lebaka la makgolo a mengwaga ka morago ga Beibele. Ke thutotumelo ya Katoliki, gomme e sego Thuto ya Bokriste. Mpontšhe ka Beibeleng. Ke bo—ke bofora. Ke mešomo ya bodiabolo.

Ga ke re gore batho ba ba kolobeditšwego ka mokgwa woo ba ka tsela yeo. Modimo o ne batho ba bantši ntle kua lehono ba ba sa tsebego bokaonana.

¹⁶⁰ Eupša, iri e ttile, re swanetše go boela morago go Lentšu ge eba re letela Modimo go šoma ka letšatšing le boka A dirile nako yela.

¹⁶¹ Ke rile go mme wa ka ge a be a hlokofala, pele a hlokofala. Ke rile, “Mme, ge ke eba Mokriste, bjalo ka mošemane, ka thoma go nyaka le go hwetša. Ke tsebile go be go le Modimo, go tšwa go dipono tše o di tsebago, le dilo tše di diragetšego gohle go theoga go kgabola bophelo.” Ke rile, “Nako yeo ke hweditše kereke ya Katoliki e rile, ‘Ke rena kereke. Ga go dire phapano e ka ba efe se Beibele e se bolelago. Re dumela Yeo go ba nnete, eupša, ke rena kereke. Se re se bolelago, Modimo o se tlema Legodimong.’ Gomme kafao, gona, ba e dira ka tsela *ye*. Woo ke mmele o motee. Malutheran ba rile, ‘Ba phošo. Re e dumela ka tsela *ye*.’ Mabaptist ba re, ‘Bohle ba phošo. Re e dumela ka tsela *ye*.’ Gomme go makgolo a mebele yeo.”

Gobaneng, o ka kgona bjang go tsoge wa ba le tumelo? Ke efe ya tšona e nepilego? Go ne Selo se tee se nepagetšego. Ke be ke sa Se tsebe nako yeo.

¹⁶² Ke rile, “Mme, ke ile morago go Beibele gomme ke hweditše tsela ye baapostola bale, ke mohuta mang wa kereke ba bilego le yona, ka mokgwa wo ba rutilego, le dilo tše ba di dirilego.

Ke e dirile feela tlwa ka tsela ye ba e dirilego, tsela ye Beibele e boletšego, gomme ke hweditše dipoelo tša go swana.” Amene. Swarelang tlhagišo, eupša ne—ne netefatšo ya phuding ke go e ja. Yeo ke therešo. Ke hweditše dipoelo tša go swana tše ba bilego le tšona. Ee.

¹⁶³ Kafao, o ka se kgone go aga boitshepo ka go se sengwe go lego ditsela tše makgolo a senyane a go fapanā, tša go ya ka tsela *ye* le ka tsela *yela*.

Ka gona ke a hwetša, godimo ka Beibeleng, gore Jesu o boletše, Yenamong, “Ge motho a ka ba mang a ka tloša Lentšu le tee, goba a Le fetoša, ka Pukung ye; mang kapa mang yo a ka oketšago e ka ba eng go Lona, goba a ntšha e ka ba eng go tšwa go Lona; wa go swana go tla tlošwa, karolo ya gagwe ya Puku ya Bophelo.” Go laeditše o be a ne leina la gagwe kua, go lokile, eupša le tla tlošwa. Oo!

¹⁶⁴ Re swanetše go tla morago go Lentšu le. “Magodimo le lefase di tla feta, eupša Lentšu la Ka le ka se tsoge la palelwa.” Ee, mohlomphegi. “A lentšu la motho yo mongwe le yo mongwe e be maaka. La Ka e be therešo,” go boletše Jesu. A re duleng le Lentšu. Ya. Oo, nna! Ya.

¹⁶⁵ Josafate o a tseba gore Modimo o boloka wa kgonthe, moprofeta wa therešo yo a dulago le Lentšu la Gagwe gomme a ka se Le tšimeletše. Aowa, mohlomphegi.

¹⁶⁶ O dutše thwi le Lona. Makgolonne kgahlanong le yena, ka diprofeto tša bona, le bona. Eupša sa gagwe e be e le Lentšu la Modimo, le leswao la go swana le dilo.

Gomme ke re, lehono, se re se hlokago lehono ke monna, moprofeta, a tsoge magareng ga rena, yo a tla dulago le Lentšu la Modimo go sa kgathale se e ka ba mang gape a se bolelago, goba e ka ba eng kerekeleina e se boletšego.

¹⁶⁷ Mika o be a se ne tirišano. Moshe o be a se ne tirišano. Noage o be a se ne tirišano. Ga go le o tee wa bona, feela, a kego a be le tirišano. Lohle le kgahlanong le bona. Eupša ke bona maswao ka matšatšing a mabe pele Modimo a romela kahlolo. Gomme Modimo o boloka Lentšu la Gagwe gomme o nyaka Lentšu la Gagwe le bolokwa ke batho ba Gagwe. Tumišang Morena.

Bjale, go ya tlase go tswaleleng, lebaka la metsotso e se mekae feela bjale. Bjale theetšang sekgauswi.

¹⁶⁸ “Go bile monna a romilwe go tšwa go Modimo yo leina la gagwe e bego e le Johane,” moprofetaleswao. Pele Jesu a ka tsoge a tla lefaseng, go ipega Yenamong, O romile moprofeta pele ga Gagwe. A O e dirile? O romile moprofeta, Eliya wa Testamente ya Kgale, o profetilwe go tla ka maatla a Eliya wa Testamente ya Kgale. O be a swanetše go ba moprofetaleswao gore Jesu o be a etla, gore go be go swanetše go ba Mesia a etla.

¹⁶⁹ Gomme Johane o tlie go tšwa lešokeng, o be a le leswao gore Mesia o be a le tseleng ya Gagwe. Ge Johane a tšweletše, Israele e be e swanetše go be e tsebile, ka baprofeta ba bona.

Ke fao batho ba e fošago. Ga ba dumele baprofeta ba bona. Ga ba dumele. “Ga re dumele se Petro a se boletšego se be se nepagetše, ka Letšatši la Pentecost.” Ga ba dumele ke nnete. Ga ba dumele se Paulo a se boletšego, selo sa go swana se Petro a se dirilego. O rile, “Ge Morongwa go tšwa Legodimong a rera lentšu e ka ba lefe le lengwe, a a be morogwa.” Ga ba dumele seo. Le a bona? Ga ba se dumele.

Gomme ga se ba ke ba dumela baprofeta ba bona. Ge ba ka be ba tsebile, ba ka be ba tsebile gore Jesaya o rile, “Go tla tsala segalontšu sa yo a goelelago ka lešokeng, yo a tla lokišago tsela pele ga Morena.” Ba swanetše go ka be ba e tsebile. O be a le moprofeta, mokgoma wa baprofeta. O ba boditše, eupša ga se ba ke ba e dumela. Aowa, aowa. O rile, “Go ne Mesia o a tla.”

¹⁷⁰ Monna yo o be a romilwe go tšwa go Modimo. Oo, baena! O be a se ne bolatedi. Modimo o mo fa bolatedi, mohlape wo monnyane, go no swana le ge A dirile Eliya. Modimo o mo fa bolatedi bja gagwe. Ga se a bo hwetša go tšwa go mokgatlo tsoko wa sepolitiki. O rerile Lentšu, o dutše godimo ga Lentšu la Modimo, gomme Modimo o mo fa mohlape o monnyane. Eliya o dutše go Lentšu la Modimo. Modimo o mo fa mohlape o monnyane.

¹⁷¹ Monna yo o be a se ne tirišano. O be a se ne bolatedi, go se tirišano, e se wa kerekeleina, a sa kgopele selo gomme a sa boife selo. Yoo e be e le Johane. Gobaneng? O be a le monna a romilwe go tšwa go Modimo. Ke ka baka leo a emego. O be a le Eliya a eme fale, go netefatša go batho gore Mesia o be a etla. O rile, “Ke nna segalontšu sa yo a goeletšago ka lešokeng, bjalo ka ge go bolela Jesaya moprofeta. Lokišetša go gahlanetša Morena.”

¹⁷² Bona Bafarisei le Basadutsei ba eme ntle kua ba phegišana ka dijase tša bona le dilo. Thwi ge ba be ba phegišana le go baka ka yona, thwi magareng ga bona go tla Mesia, a sepela.

¹⁷³ Johane o rile, “Bonang, šole Yena.” Haleluya! Mo šetšeng. O Mo tsebišitše. “Šole Yena. O eme thwi magareng ga lena bjale.”

E ka ba ka nako yeo, magodimo a rora. Jesu a sepelela ka meetseng. Gomme Johane a bea bohlatse, go boneng Moya wa Modimo, boka leeba, o etla fase. Segalontšu se goelela, “Yo ke Morwa moratwa wa Ka yo Ke kgahlwago ke go dula ka go Yena.” Oo, nna, nna!

¹⁷⁴ Johane o rile, “Bjale ke swanetše go kokobela. O tla phagama.” Oo, a moprofeta, leswao go Israele! Ee, mohlomphegi.

¹⁷⁵ O be a le monna a romilwe go tšwa go Modimo, le ge tatagwe e be e le moprista. Oo, ee. Tatagwe, Sakaria, e be e le moprista.

Eupša a le lemogile? Modimo ga se a ke a dumelela moprofeta yola go tswakana le mekgatlo ya bona. Tatagwe a ka be a mo išitše go sekolo sa thutamodimo, go kerekeleina ya *Gore le gore*, a mo dirile modiredi yo mokaone, le a tseba, gomme a mo hlahlile, gomme a mo file dilo tše ntši a bego a se a swanela go ba le tšona. Eupša Modimo ga se a ke a dumelela soulo ya gagwe go tšhilafatšwa. A le a kwešiša? Yena ga se ke a kgona go dumelela monna yola go tswakana ka go mekgatlo. O be a se wa e ka ba ofe wa yona, e sego kerekkarogi, Farisei, Sadutsei, goba Herodian, goba eng e ka bago. Modimo ga se a e dumelela.

¹⁷⁶ O bile le tswalo yalearogi. O bile ngwana walearogi. O be a le moprofeta. Papagwe e be e le moprista, eupša ga se A mo dumelela go tswakana le ohle maikaketši a bona, mabodumedi a Bofarisei le dilo. O dirile eng? O mo ntšheditše ntle ka lešokeng gomme a mo hlahlala ka leganateng.

¹⁷⁷ A tlhahlo! Amene. O mo hlahlile ka boitemogelo. Yeo ke ye kaonekaone, go tseba Modimo. Ge a etla ntle, o be a tseba tlwa se thomo ya gagwe e bego e le sona. Modimo o hlatsetše thomo yeo.

O e hlatsetše kae? Mo nokeng. Bjale, ge o ka kgona go dira pedi le pedi. Le a bona? Mo nokeng!

O rile, “Ke nna segalontšu sa yo a goeletšago ka lešokeng, ‘Lokišang tsela ya Morena, otlollang mmila wa Gagwe.’”

¹⁷⁸ Johane, monna a romilwe go tšwa go Modimo. Modimo ga se a ke a mo dumelela go tšhilafatšwa ke yona. O mo hlahlile ka lešokeng, ka Modimo. Ga se A mo hlahlala ka dikolong tša bona, e sego ka go thutamodimo ya bona. Ge nkabe A dirile, a ka be a bile le mangwalo a dilo boka le etšwa dikolong lehono, mehuta yohle ya dikolo. E sego feela Presbyterian, Baptist le Methodist, eupša dikolo tša Pentecostal, go no befa, e ka ba sefe sa tšona dikolo tša thutamodimo, di ba tliša ntle kua. Oo!

¹⁷⁹ Go tla ga gagwe, boditše Moya, wa Jesaya. Go tla ga gagwe, go tla ga Johane, go boleletšwepele ka Lengwalong. Jesaya 40:3 e rile, “Ke tla roma motseta wa Ka pele ga Ka, go lokiša tsela,” goba, e be e le Maleaki 3. E rile... Maleaki 3 e rile O be a tla roma motseta wa Gagwe pele ga Gagwe. Moprofeta, moprofeta wa mafelelo, e boletše ka yena. Selo sa mafelelo se boletšego ka yena. Elelwang, Puku ya mafelelo ya Testamente ya Kgale e boletše gore Eliya o be a tla tla go bana ba Israele pele ga go bonala ga Mesia.

¹⁸⁰ A le komana? Puku ya mafelelo ka Beibeleng, Kutollo, e re bontšha gore go tla ba go bowa ga gagwe ka letšatšing la mafelelo, go kereke ya Bantle, leswao. Ba le foša bjang! O profetwa go tla gape, feela pele ga go Tla go gogolo le la bobedi ga Morena. Ka go Mal-... Ka go Maleaki tema ya 4, ka go Kutollo gape, tema ya 3, e re botša gore o tla ba fa ka matšatšing a mafelelo. Yena wa go swana, yo a tla emago sekgaleng bakeng sa batho, le mohlape o monnyane wo Modimo a tla mo fago wona,

o tla tla ka matšatšing a mafelelo. Modimo o boletše bjalo. O tla ba leswao go setšhaba se sa Montle, gore nako ya gagwe ga e sa le gona.

¹⁸¹ Gomme, elelwang, ge a tšwelela go lefelotiragalo, nako e kgauswi. A re rapeleng Modimo go mo roma. Nako e kgauswi.

¹⁸² Ka pejana ge bodiredi bja gagwe bo fedile, Mesia o iponagaditše Yenamong. Ka pejana ge yo mogolo yo a etla ka matšatšing a mafelelo, o tla fetša bodiredi bja gagwe, Mesia o tla iponagatša Yenamong. Go tla ba bjalo. Nako e kgauswi, kafao bokaone re rapele. Bokaone le thome go rapela.

¹⁸³ Leswaolefiwa ke Modimo la gagwe go lebaka le le tla netefatša go se a lego sona. Yo mongwe le yo mongwe o tla le tseba. Modimo o tla le hlatsela. O tla bontšha maswao le matete boka a se a tsoge a dirwa lefaseng, ka lona. Ga ke re go tšitšimologa, šikinyega, le go bolela ka maleme. O tla thekgwa ke Lentšu la Modimo, boka monna yo a bile. Gobaneng? O profitilwe ka go tleng, ka go Maleaki 4 le Kutollo 3, kafao o tla tla. Ga go selo se yago go mo emiša; o a tla. Amene. O tla ba fa. Amene. A batho ba we ka sefahlego sa bona lehono gomme ba thome go llela ntle go Modimo, gomme hlokamelang se se direga. Le tla mmona a bonagala ka maatla. Ee, mohlomphegi.

¹⁸⁴ Go ya ka Lengwalo, Molaetšaleswao wa gagwe e tla ba “go retolla.” Wa gagwe e tla... Re tla mo tseba go ba eng? Re tla tseba bjang ke yena wa maleba?

¹⁸⁵ Le a tseba, Israele e botšišitše seo nako ye nngwe, godimo ka go Doiteronomio, tema ya 20... temana ya 20, ke a dumela ke yona. O rile, “Re tla tseba bjang gore yo e tla ba yena wa maleba?”

Re tseba bjang? Modimo o a re botša re tla mo tseba. O tla dira eng? “O tla bušetša dipelo tša bana morago go Molaetsa wa setlogo wa pentecostal mo mathomong.” Oo, nna!

¹⁸⁶ Leswao leo le tshedišitšwego mahlo, leswao la kgonthé, gomme ba le fošitše. Ka mehla ba a dira.

¹⁸⁷ Morago go Kereke ya therešo, Molaetsa wa therešo! O tla ema a nnoši kgahlanong le kerekèleina, ka sebete le go hloka poifo, ka O RIALO MORENA. A ka se itšimeletše le kerekèleina. A ka se be le selo go dira le e ka ba efe; go goga lenti la lefeela. O tla ba ntle thwi go Lentšu, O RIALO MORENA. Modimo o tla hlatsela bodiredi bja gagwe ka maswao le matete, kutollo ye kgolo ya Lentšu, le go tliša pele go batho. A letšatši le le lego kgauswi! Boka... O tla ema boka Petro le Johane ba dirile, morago, ka Letšatši la Pentecost.

Morago ga Pentecost, gore ba be ba tletše ka Moya wo Mokgethwa, ba kolobeditše kua, ba eme ka go kgorotsheko yela ya Sanhedrin. Ba eme kua ka sebete sohle se kgonnego go engwa. Ge, ba rile, “Re le ganetša go ruta ka Leina la Jesu, gape.”

¹⁸⁸ O rile, “A go lokile go rena go le theetša, goba Modimo? Ahlolang lena gare ga lenabeng.” Go se be le šedi, go se rutaže. Amene. Ba be ba le baprofeta. Ba be ba le baprofeta ba ba tloditšwego ke Modimo. Ba be ba le maswao a Moya wo Mokgethwa. Ba be ba le baprofeta. Ba tsebile.

¹⁸⁹ Ba be ba no ba boka Johane. Ba be ba bile godimo kua go Pentecost gomme ba be ba hweditše se sengwe.

Ba be ba se boka bontšintši bja bareri ba rena lehono, ba setaele sa maitirelo, ba ikgantšha ka ke ofe mokgatlo re nago le wona, ke ba bakae re nago nabo ka go dihlopha tše kgolo tša rena. “Re ema bjalo ka mokgatlo wo mogolo. Re dira mošomo wo mogolo wa boromiwa.” Oo, kgaogelo! “Oo, re ne mašaba a magolwane go feta bohole ka moka ga bona.” Ke eng? Ke kgogedi ya sepolitiki. Ke le nyaka le theetše sekgauswi, ya go latela ye mebedi, metsotso ye meraro. Kgogedi ya sepolitiki.

¹⁹⁰ Ka nnete ke boletše se sengwe, metsotso e sego mekae ya go feta, le tseba se ke bolelago ka sona. Leswao le le profetilwego. Ke e tlogetše e nnoši, ke e beile difarong tša lena. Le a bona? Gabotse, e sego feelsa tša lena fa, eupša bao ba tlago go kwa. E ka difarong tša lena. Dira e ka ba eng le nyakago ka yona. Lena rapelang, gomme šetšang Modimo a sepelela go lefelotiragalo. Mo šetšeng a phethagatša Lentšu la Gagwe. O letile.

¹⁹¹ Ge dipomo tša athomo, gomme batho ba tšhogile; gomme Pentagon, ga ba tsebe ba dire eng; maswao a sephiri ka mafaufaung, a dipiring tša go fofa, le se sengwe le se sengwe se Modimo a se boleletšegopele: Ke nako bakeng sa Eliya yoo, (o gona felotsoko), go tsoga go lefelotiragalo.

¹⁹² Anke batho, anke mohlape o monnyane wola, mašalela a mannyane ale ao Modimo a tla mo fago wona, anke mašalela a mannyane ale a ye a bitše go Modimo, gomme šetšang se se diregago. Go tla ba makgaolakgang a setšhaba. Go tla ba maatla a ba sego ba tsoge ba a bona pele. Bothata bja ntshe ke gore, nako ye, go ya go ba thari kudu go bona nako yeo. Mabati a tla tswalelwia. Kafao, elelwang, re nakong ya bofelo. Rapelang.

¹⁹³ Lebelelang lehono se re se bitšago bodiredi. Re na le eng? Bjale, go tswaleleng, ke nyaka go bolela se. Re na le eng? Ga re ne selo. Ba bangwe ba baetapele ba rena ba bagologolo; yo mongwe wa baebangedi ba rena ba bagologolo o rile, “Ge nka no hwetša phesente tše lesome tša basokologi ba ka ba swareletše, ka ngwaga, ke tla leboga kudukudu.” Ge, ebile e sego kgojana morago go feta Finney, o bile le diphesente tše masomesenyane šupa tša bona.

Paulo o bile lekgolo hlakanya le makgolo, makgolo hlakanya le makgolo. Yo motee o pholosítšwe, gomme, o be a tladitšwe kudu, ngwanešu, o boditše yo mongwe gape; o boditše yo mongwe gape; gomme o boditše yo mongwe gape; e ile ka go

dimilione. Gobaneng? Ba bile le se sengwe. Ba be ba le go Lentšung.

¹⁹⁴ Lehono, re no nagana ka mašaba a magolo. Ke eng? Ke mokgatlo wa sepolitiki. Ge re etla, moebangedi tsoko yo mogolo a etla toropongkgolo, go tla eng pele? Sehlopha sa banna. Ge Mamethodist ohle, Mabaptist, Presbyterian, bona bohle, ba dira peakanyo ye nnyane gare, ba, “Ba be ba ka kgona go rera feela *se*, gomme ba sa kgone go rera *sela*, gomme a ka se rere *se*, eupša a ka kgona go rera *sela*,” re na le eng?

¹⁹⁵ Gomme ba sepelela godimo kua, basadi. Ke bolela ka Mapentecostal. Basadi ba ya ka kua, godimo aletareng, ba tšwelapele ba phophotha.

¹⁹⁶ Ka mehla ke bile kgahlanong le pitšo ya aletara. Gape nka no e bolela. Ga ke dumele go tšona. Ga go selo se sebjalo ka Beibeleng. Motho e ka ba mang a ka kgona bjang go tla ntle le ge Modimo a mmitša? O ka se kgone go mmea kgole. Ga wa swanela go bitša e ka ba eng. Modimo o mmiditše. Pitšo ya aletara ke kgopoloo ya Methodist. Yeo ke therešo. Dipitšo tša aletara, ba a ba swara, ba re, “John, o a tseba, mmago o hwile nako ye telele ya go feta.”

¹⁹⁷ “Ooo-ooo-ooo, ee, ngwanešu, ooo-ooo!” Yeo ga se tshokologo.

¹⁹⁸ Fa, mašego a se makae a go feta, re bile le pealatšo ka Louisville, ya mosadi a tlisitšwe ka gare ka gare ga lepokisi la bahu, a beilwe godimo ga sefala sa sešole. “Makgolo a batho,” rile, “kitimelang aletareng.” Ebangedi ga se setšhošetši. Ga se maikutlo a kwelobohloko. Ke tshokologo ya kgodišego.

¹⁹⁹ Šetšang tša dikopano tše, baebangedi ba bagolo ba, gomme ebile le ka go bodiredi bja ka bjo bonnyane bja go kokobela, ke sa ipeele ntle. Dinako tše dingwe ke ikwela boka go lewa ke dihlong, go ya ntle. Yeo ke nnete. Re swanetše go dira eng? Go ema le go dira dipitšo tša aletara le go ba phegelela. Basetsana ba bannyane ba tla godimo kua, gomme bohle ba hlahuna motimohlahlunwa, ba re, “Le a bona? Le a bona? Ke a tloga. Uh-huh.” Basadi ba ba tla godimo, ka moriri wa go kotwa le difahlego tša go pentwa, Mapentecostal, gomme ba tsena, le go tšwa, gomme ba re ba boletše ka maleme. Gomme ga ba tsoge ba tlogela moriri wa bona go gola, gomme ba sa dira selo sa go swana ba se dirilego. Le mpotša yeo ke tshokologo? Yeo ke go kwera Modimo. Beibele e rile, “Ke sebe le lenyatšo go bona go ripa moriri wa bona.” Mosadi ka moriri wa go kotwa a ka kgona bjang go ahlolaa mosadi yo a nago le pente godimo ga sefahlego sa gagwe? Le yena o swanetše go e kwa. Iri e a tla, go fihla selepe se beilwe modung wa mohlare. Gomme mohlare wo mongwe le wo mongwe wo o sa tšweletšego kenywa ye botse o tla ripša.

²⁰⁰ Molato ke eng? E be e le phošo, gobane ba rena ba sebjalebjale, ba ba bitšwago bareri ntle fa, lešaba le legolo le

dihempe tša go šunyetšwa, mekgatlo ga e sa tseba kudu ka Modimo go feta Mokgothu a dira ka bošego bja Egepeta, ge bo etla. Ba ya godimo kua . . .

²⁰¹ Go ka reng ge batho bale kua Pentecost ba ka be ba ile godimo kua gomme ba rile, "Bjale, Jesu o re laetše gore re swanetše go ya godimo fa le go dula go fihla re amogela maatla go tšwa Godimo. Bjale, baena, re bile fa lebaka la matšatši a senyane, šetše. A re a amogeleng, ka tumelo. Bjale, re ne Moya wo Mokgethwa. Re ya ntle, gobane re bile fa. Re dirile se Jesu a re boditšego go se dira"? Go ka be go se gwa tsoge gwa ba boitemogelo.

²⁰² A ke le botšeng se sengwe. Ke a tseba se se godimo ga theipi, eupša sese se a tla, golebjalo. Theetšang. Ke ya go le botša se sengwe. Ke dihlong. Batho ba leka go . . . Ga nke ka tsoge ka dumela gore Moya wo Mokgethwa e be e le go "šikinyega." Ga se nke ka tsoge ka dumela gore Moya wo Mokgethwa e be e le "bohlatse bja go bolela ka maleme, goba go lla, goba go goeletša." Tšona ke khuduego ya maikutlo. Ke a dumela Moya wo Mokgethwa o ka kgona go dira seo. Eupša Moya wo Mokgethwa o ageleditše Bomodimo. Ke a dumela sehlopha se segolo sa batho seo se teleimago go ba le Moya wo Mokgethwa, ga ba tsebe selo se tee ka Yena. O kopana le Modimo.

²⁰³ Ka fao, Letšatši la Pentecost, ba rile . . . Bjale, boka Mabaptist lehono, Presbyterian le Mamethodist, ke a botšiša, "A le a dumela le na le . . . ?"

²⁰⁴ "Oo, ee, re O amogetše, ka tumelo." Ka tumelo, ga go selo. Woo ga se Wona.

²⁰⁵ Ke maikutlo, o rata go bona go dikela ga letšatši, o a ema gomme wa bogela letšatši le eya fase, yoo ga se Modimo, yeo ke khuduego, go tšwa go se sengwe se se lego ka go wena. O kwa ka yo mongwe yo a babjago, goba yo mongwe a hwago, o a goelela le go lla. Yoo ga se Modimo. Ke khuduego ya setho. Ka fao Modimo . . .

²⁰⁶ Ke bone batho papading ya kgwele, ba thaba kudu ba konkoretša dipounama tša bona, se sengwe le se sengwe gape. O se mpotše.

Re mo tlhokong ya tsošeletšo, phološo. Gomme Mapentecostal ba tla tikologong, gomme ba dira batho ba thanthelwe, le go ba botša, "Ge ba bolela ka maleme, ba ne Moya wo Mokgethwa." Gomme ba bangwe ba bona ba phela mehuta yohle ya maphelo, ka morago ga fao.

Theetša, ngwanešu. Ka Letšatši la Pentecost, go be go se bjalo. Ga se ba tsoge ba ithekga godimo go maleme goba e ka ba eng. Ge ba be ba le fao, ba eme ka lefelong le tee, ka mmero o tee, Modimo o tlide fase, ka kgonthe, magareng ga bona. Ba bone, godimo ga yo mongwe le yo mongwe wa bona, malakabe a Mollo, e ka ba ka mokgwa *woo*, a lekeletše ka godimo ga hlogo ya bona.

Modimo o be a le fao. E be e se, “O amogele ka tumelo, goba ka khuduego tsoko.” Ba be ba tladišwe ka Moya wo Mokgethwa, gomme morago ba ile ntle gomme ba thoma go bolela ka maleme. Eupša, pele, ba kopane le Modimo.

Ke seo e lego bothata lehono. Batho ba a tswikinyega le go thanthelwa, khuduego, gomme ga se Moya wo Mokgethwa. Moya wo Mokgethwa o ageleditše Bodimo. Mantšu a gago ke Mantšu a Gagwe. Ke a le botša, se re se hlokago lehono, ke pitšo.

²⁰⁷ Batho ba ya ka gare, basadi ka mokgwa woo, ba ya ka gare, ba bolela ka maleme, ba tla morago ntle. Gomme o ya mafelong a bona moo ba nago dikereke tša bona . . .

²⁰⁸ Ke duma Billy nkabe a dutše fa. Ke sa tšo amogela lengwalo go tšwa tlase kua felotsoko, letšatši le lengwe, moo mosadi a rilego, “Ke nna wa woo o itšego, wo mogolo . . .” mokgatlo wo mogolo wa Pentecostal, mokgatlo wo mogolo wa Trinitarian. Ba rile, “Basadi ba rena bohole, Ngwanešu Branham, bohole ba ripa moriri wa bona. Ke bile le moriri o motelele o moso.” O rile, “Ke be ke o rata ka mehla, gobane ke dumetše e be e le wa Morena.” O rile, “Ga se nke ka tsoge ka tlola meikapo. Kereke ya rena e ruta gore yeo ke fešene ya kgale.” O rile, “Ba a mpotša, ge ke bile le moriri wa ka o tatilwe kuku, ka morago, ba rile, ‘Hlokomele, o na le thaere ya go phohla ka morago,’ gomme gohle ka mokgwa woo. Ba rile, ‘O rwele thaere ya go phohla—phohla ka morago ga hlogo ya gago.’” Gomme o rile, “Mafelelong, monnamogatša wa ka o rile, ‘O reng o sa ripe moriri wa gago gomme o be boka ka moka ga bona?’”

Bjale ke ne lengwalo le ya morago go yena.

O rile, “A go bjalo? Ke kwele ye nngwe ya ditheipi tša gago, gore kolobetšo yela ya Bokriste ke Leineng la Jesu Kriste.” Bjale, le tseba se a yago go se hwetša. A ga le? O rile, “Mpotsé, Ngwanešu Branham. Ke swerwe ke tlala. Ke nyaka go tseba se ke se dirilego.”

²⁰⁹ Ke ya go re, “Dihlong go monnamogatša yola wa gago wa mokgelogi. Gomme sehlophasehloka Modimo sela o rapelago le sona, etšwa magareng ga bona.” Thwi. Modimo ga a kgone go fetoga. Ge Modimo a bolela e ka ba eng, O a se era. Ga ke tshwenyeye ke bareri ba go kgeloga ba bakae ba ba nyakago go itšimeletša, go hwetša mokgatlo wo mogolo goba sehlopha. Re hloka boraphološo. Banna ba ba tla emago gomme ba dumelela basadibagatša ba bona go dira ka mokgwa woo, ke ne boitshepo bjo bonnyane ka go wena go beng Mokriste. Thwi. Sokologa, goba o senyege! Nna, mmalo!

²¹⁰ Eya ka gare ka mokgwa woo, tšoena dikereke, dikereke tša Pentecostal, o tla morago ntle gomme ga se o tsoge wa fetoga nthatana; o dula o le selo sa go swana, ga se wa tsoge wa šutha nthatana. Oo, kgaogelo! Ke eng? Bolsebele ba sebjalebjale. Go ne mosadi yo motee feela ka Beibeleng yo a

kilego a penta sefahlego sa gagwe, gomme Modimo o mo lešitše dimpša. BoIsabele ba sebjalebjale ba goga boAhaba ba bona ka khonkhobane tikologong, monna yo a lego tonankatshadi gannyane e ka ba mang yo a ka dumelelago mosadimogatša wa gagwe go dira ka mokgwa woo, a apara dišothi le dilo, le go tšwela ntle mokgotheng gomme a apara diroko tše di lebegago boka letlalo le tlamilwe boka biana e kgapoloditšwe ka mokgwa woo. Le go ya . . . Ga ke bolele seo go dira metlae. Le ga se lefelo la metlae. Le ke Lentšu la Modimo. Ke therešo. Nnete. Sepela go theoga mokgotha, ka roko e swineletše kudu, godimo, go fihla a sa kgone go sepela. Ka gona, monna tsoko o dira ditshwayo ka yena, gomme o nyaka go mo lwantšha. O swanetše go hloka mohlagare wa gago go phasolwa, yeo ke nnete, go mo tlogeleng a e dira. Go laetša se o dirilwego ka sona. Yeo ke nnete tlwa.

²¹¹ Se re se hlokago ke Ebangedi. Modimo, go tsoša yo mongwe go lefelotiragalo yo a lego thwi morago go Lentšu. Modimo o rile ebile ga se selo sa go hlomphega go mosadi ebile go tla kerekeng le go rapela ka moriri wa gagwe o ripilwe. Gomme mosadi yo a ripago moriri wa gagwe, o . . . monna o ne tokelo ya go phethagala go hwetša tlhalo go tšwa go yena. Ke mosadi wa go se hlomphege. Beibele e boletše bjalo. Ga a hlomphege go monnamogatša wa gagwe. A ka no be a sa e tsebe. Mosadi e ka ba mang yo a ka aparago dišothi ga a hlomphege. A ka no be a sa e tsebe. Mohumagadi, ga ke leke go go gobatša. Ke leka go go phološa go tšwa letsheng la mollo, le hele. Sokologa!

²¹² “Gabotse,” o re, “Ke ne Moya wo Mokgethwa.” Gona itshware ka mokgwa woo, ka Modimo a phuthetšwe ka gare ga gago, yena Modimo yo a rilego o se ke wa e dira?

²¹³ “Gabotse,” o re, “Ke boletše ka maleme.” Ke bone bodiabolo ba bolela ka maleme. Ke bone, ka Afrika, ba enwa madi go tšwa legateng la motho, le go bolela ka maleme le go bitša diabolo. Ke bile ka dikampeng tša baloi le baloigadi, moo ba boletšego ka maleme le go e hlatholla. Ke bone diphenesele di letše godimo ga tafola le go ngwala ka maleme a go se tsebje, gomme monna a etla tikologong, a le hlatholla. E be e le therešo. O se ke wa mpotša ka maleme. Re ne bontši bja wona kudu bjale.

Efela, ke a dumela gore Modimo o ne leleme la go se tsebje. Ke a dumela gore Modimo o bolela ka maleme a go se tsebje, eupša o se itshepele go ao. Paulo o rile, “Le ge nka bolela ka leleme la batho le Barongwa, gomme ka se be le Moya wo Mokgethwa, efela ga ke selo. Le ge nka kgona go šuthiša dithaba . . .”

²¹⁴ Batho ba bantši ba leka go re, “Oo, yo ke monna yo mogolo wa Modimo. O swanetše go bona mehlolo ye megolo.” Gobaneng, bodiabolo ba a fodiša . . .

Bodiabolo ba ya ntle le go dira dilo boka tše. Ke tseba baloi ba ba yago ntle, le dilo boka tše, a ne thethwana go mo

rarela ka mokgwa *woo*. Ba Bea tšelete ka gare. O tsea moriri go tšwa morago ga hlogo ya gagwe, o o tataganya ka mading le go o lahlela ka gare. Gomme bona batho ke batho ba go botega, ba a dumela. Ga se monna yola. Ke bona batho ba dumela ba batamela Modimo, ka moloi.

²¹⁵ A Jesu ga se a ke a re, “Ba bantši ba tla tla go Nna ka letšatši leo, gomme ba re, ‘Ke bile le masolo a magolo a phodišo’”? Leo ga se leswao. Ke leswao re bofelong. A Jesu ga se a ke a re, ka go Mateo tema ya 24, e ka ba temana ya 24, le yona, 24:24? Gomme O rile, “Baprofeta ba maaka ba tla tsoga ka matšatšing a mafelelo le go bontšha maswao a magolo go fihla ba be ba tla fora bona Bakgethiwa ge go be go kgonega.” Eupša Bakgethiwa ba eme godimo ga Lentšu. Ba tseba se leswao la therešo le lego.

²¹⁶ Monna a ka kcona bjang, yo a dirago dilo tše, yo a ganago Tumelo ya Modimo, go bolela gore ke yena moprofeta go tšwa go Morena? Monna lefaseng a ka kcona bjang?

A ka no ba moprofeta, boka bale ba bego ba le tlase kua ka dinakong tša Ahaba le Josafate, ge Mika a eme. Eupša ba bile le yo motee kua yo a emetšego Lentšu, Eliya. Lentšu la Morena le be le ngwadilwe, gore Ahaba o be a tla tla bofelong bja gagwe, gomme pono ya Eliya e be e ne seo.

²¹⁷ Gomme monna e ka ba mang, monna e ka ba mang yo a ipitsago wa semoya yenamong goba moprofeta, o a amogela gore Lentšu le lengwe le le lengwe la *Ye* ke therešo. A ka kcona bjang go ba Motrinitarian? A ka kcona bjang go kolobetša leineng la “Tate, Morwa, le Moya wo Mokgethwa,” gomme a bolela gore o tloditšwe ka Moya? A ka kcona bjang go ruta batho phošo yeo, gomme a fela a sa tloditšwe ka Moya? E ka se kgone go dirwa. Ke gosekgonege.

²¹⁸ Ke a lemoga seo ga se go tuma. Eupša ga re nyake go tuma. O nyaka go botega.

Bjale, Isebele le boAhaba. Ee, mohlomphegi.

²¹⁹ Gobaneng, gobaneng ba e dirile? Gobaneng bona basadi ba dira, ba swara moriri wa bona o kotilwe, gomme ba tlola meikapo, le go ya ntle le go apara dišothi ge banna ba etla go feta, le dilo boka tše, bannabagatša ba bona ba e dira? Gobane ga ba ne moprofeta wa therešo ka phuluphithing ya bona, go ba botša Therešo. Ba a ba botša, “Gabotse, yeo ga se phapano. Go lokile. Ga la swanela go dira le *yeo*.” Lena!

²²⁰ Ke Lentšu la Morena. Beibele e rile, “Mosadi e ka ba mang yo a ka aparago seaparo sa go swana le sa monna ke makgapha pele ga Modimo.” Modimo ga a fetoge. Yena a ka fetoga bjang gomme a ba Modimo? Yena ke mohlokamagomo.

²²¹ Ba hloka moprofeta wa therešo yo a ba botšago gore leo ke leswao la bofelo. Beibele e rile ba tla e dira. Jesaya, tema ya 25, e

rile basadi ba tla dira seo ka matšatšing a mafelelo. Tlwa. Kafao, šebao bona.

²²² Eupša ba rile ba bile le moprofeta ka phuluphithing, a boifago Lentšu la Modimo. E sego... O boifa phuthego.

A re rape leng Modimo go re romela Seetša sela sa moragwana, tšona Seetša sa mantšiboa, a re romele yena yo A tshepišišego go dira, go Kereke ye e kgethilwego, yo a tla ba botšago se e lego Therešo, a ema ka Lentšu la Modimo. A dira boIsebele le boAhaba, gona ba tla ba aroganya. Yeo ke tlwa.

²²³ Elelwang ge basadi ba thoma go dira ka mokgwa woo. Bjale e no ya morago seripa se sennyane, ge ba thomile go ripa moriri wa bona gomme ba dira ka mokgwa woo. Ge basadi ba thoma go itshwara ka mokgwa woo, ke ka nako yeo le sehla seo Eliya ka matšatšing a mafelelo o tla tšwelela go lefelotiragalo ka leswao la nako ya bofelo, ka leswao la nako ya bofelo boka le be le le ka matšatšing a Loto. Le a bona? Leswao la nako ya bofelo; ge basadi ba thoma go itshwara ka mokgwa woo. Ba itshwara ka mokgwa woo bjale. Ke ka nako yeo ge Eliya e le wa go tšwelela go lefelotiragalo, a hlahlamolla le go bitša, go sola le go thuba, thwi, ka leswao la Modimo ka morago ga gagwe, a eya pele. Ga a ye go bitša sehlopha se segolo bjale. Beibele e rile, "Se boife, mohlape wo monnyane, ke thato botse ya Tate go le fa Mmušo." Yeo ke mnete. Yeo ke nnete tlwa.

²²⁴ O swanetše go ganwa ke bohole eupša mohlape wo monnyane, gobane o boka Eliya le ba gagwe ba makgološupa, le Johane ka mohlape wa gagwe o monnyane. Ee.

²²⁵ O bona moo re emego lehono? Re tla swanela go boela morago go Pentecost ya setlogo. Re tla swanela go boela morago go dilo tša Modimo. Re swanela go boela morago. Ngwanešu, kgaetšedi, o se ke wa forwa ke maitemogelo a gago. Rena re-rena re letetše iri yeo.

²²⁶ O se ke wa no tšeа, "Ke—ke holofela bjalo. Ke a dumela, ka tumelo ke a O amogela." O se ke wa dira seo. O kopana le Modimo, sefahlego ka sefahlego, gomme o tlatšwa ka Moya, gomme morago o šetša se se diregago. Gomme ge moya woo ka go wena o thulana le Lentšu le, gona o tlogela moya woo o nnoši. Eya o hwetše... Rapela Modimo go go fa Moya wa Gagwe, gona.

²²⁷ Ge Moya wo o tsoga ka letšatšing la mafelelo, o tla ba tshebotšo kgahlanong le bona, bona ba e lego ba maaka. Le a bona? Gobane, Johane o rile, "Le se ke la nagana go bolela ka go lenabeng gore re... gore le 'ne Abraham go tatago rena.'" Re na le... Ke rena...

"Rena, botatago rena e be e le Mamethodist, Mabaptist, Presbyterian, goba Pentecostal." Le se ke la nagana go re, lena, "Modimo," gomme le bana ba Abraham, gobane Modimo o kgona go tsošetša Abraham bana go tšwa matlapeng a. Le se nagane gobane le Pentecostal, gore le ya go tlogelwa. Le gatee. Modimo

o kgona go tsošetša Abraham bana go tšwa matlapeng a. Yeo ke nnete tlwa. Ee, mohlomphegi.

²²⁸ E no bolela Lentšu la Modimo, ka therešo ya letšatši la mafelelo, seprofeto sa gagwe se lego.

²²⁹ Ge le ka rata . . . anke ke no boela morago fa motsotso feela, a ke le laetše kafao re ka hwetšago. Ke ne Mangwalo a mantši a ngwadilwe fase fa. Ke be ke no šupa go Wona. Ke nyaka go le balela le tee. Go tšwa, anke, pele, a re tšeeng . . . A re tšeeng Doiteronomio, tema ya 18, gomme re tla hwetša, motsotso feela. Feel a kafao, pele re tswalela fa, gore ke kgone go le balela Lengwalo le. Ka go Doiteronomio, tema ya 18, go lokile, gomme a re boneng bjale. Temana ya 20 ya tema ya 18, Doiteronomio, 20:

*Eupša moprofeta, yo a tlago go tšea gore o bolela lentšu
leineng la ka, yo Ke sego ka mo laela go bolela, goba yo a
tla bolelago leineng la badimo ba bangwe (bontši), ebile
moprofeta yoo o tla hwa.*

Yeo ke nnete. O ile semoyeng. Go lokile. “Soulou ye e dirago sebe, e tla hwa.” Re ne Modimo yo motee, e sego “Badimo.”

*Gomme ge o bolela ka pelong ya gago, Re tla tseba
bjang lentšu le MORENA a . . . a sego a le bolela?*

“Re tla tseba bjang? Go tla ba ba bantši kudu ba bona, re tla tseba bjang? Yo o bolela sela, yo mongwe o bolela se; boka yo mongwe o bolela se, gomme yo mongwe o boletše sela, le go ya pele.” Bjale šetšang. Re a tseba.

*Ge moprofeta a bolela leineng la MORENA, ge selo se sa
latele, goba go tla go phethega, seo ke selo se MORENA a
seg a se bolela, eupša moprofeta o se boletše ka go tšea
gore: le se ke la mmoifa.*

²³⁰ Ge Modimo a se a se bolela, gona le se ke la se boifa. Go, go lokile, e nong go ya pele gomme le lebale ka sona. Le a bona?

²³¹ Bjale lebelelang se re se kwago lehono. Thutotumelo ya Baapostola, thutotumelo ya Methodist, thutotumelo ya Baptist, thutotumelo ya Mapentecostal, thutotumelo, thutotumelo, thutotumelo. Thutotumelo ke eng? O e hwetša kae? Ke hlohla e ka ba mang go mpontšha Thutotumelo ya Baapostola ka Beibeleng. Ke a dumela ga go selo se sebjalo.

Ge baapostola ba bile le thutotumelo e ka ba efe ba kilego ba lekelela go yona, še yona: “Sokologang yo mongwe le yo mongwe wa lena, gomme le kolobetšweng Leineng la Jesu Kriste bakeng sa go tlōswa ga dibe tša lena, gomme le tla amogela mpho ya Moya wo Mokgethwa. Gobane tshepišo ke ya lena.”

A ga le bone mo re lego, bagwera? Re ka seemong sa go šiiša. Ke eng lona? Leswao la therešo leo le tshedišitšwego mahlo.

²³² Bjale, le banna le basadi, bontšintši bja lena, gomme le bana ba Modimo. Le se ke la le tshediša mahlo. Elelwang gore re

swanetše go ba le dilo tše. Di swanetše go direga ka letšatšing le, ka iring ye yeo re phelago ka go yona bjale. Ye ke iri, feela pele ga go Tla ga Mesia, go swanetše go ba tsebišo e etla pele go tšwa go Modimo.

Anke ke le baleleng yeo. A re yeng morago go Maleaki. Ke ya mafelelo ya Testamente ya Kgale, gomme theetšang se A se bolelago fa ka go Maleaki. Morago re... Theetšang ye nakwana feela.

Bjale, ge le hlokomela, Maleaki 3, polelo yeo Jesu a e boletšego ka Johane a etla:

Bonang, Ke tla romा motseta wa ka, gomme o tla lokiša tsela pele ga ka, gomme Morena, yo le mo nyakago, ka pela o tla tla tempeleng ya gagwe, ebile yena motseta wa kgwerano, yo le mo thabelago: bonang, o tla tla, go boletše MORENA wa mašaba.

²³³ Yoo e be e le Johane, a bega go tla ga Jesu. Gomme O tlie tempeleng, tlwa se A se boletšego, Motseta wa kgwerano, Morongwa yo a bego a na le...ka lešokeng le ba—le ba barutiwa, goba le Israele. A le a dumela O be a le Motseta yola? Gabotse O rile, “Ke tšwa go Modimo, gomme Ke ya go Modimo.”

²³⁴ Bjale, gobaneng Paulo a neetšwe bolwetši? Go mo gatelela fase.

Morago ga ge Jesu a hwile, gomme o bolokilwe, gomme a tsogile gape; morago ga nako ye telele, Paulo o kopane le Yena, sefahlego ka sefahlego, tseleng go ya Damaseko. (O rile, “Ke tšwa go Modimo, gomme ke ile go Modimo.”) Paulo o lebeletše godimo. Go be go le Seetsa se segolo fao, Pilara yela ya Mollo ya go swana. A le tseba se ke yago go bolela ka sona? Pilara ya Mollo ya go swana. Gomme Paulo o boletše le Yena, gomme O boletše morago go Paulo. Batho ga se ba Mo kwa. Ga se ba Mo kwa. Eupša Paulo o Mo kwele. O rile, “Saulo, Saulo, o Ntlhomaretše eng?”

O rile, “Wena o Mang, Morena?”

²³⁵ O rile, “Ke nna Jesu. Bjale tsoga gomme o ye mokgotheng wo o bitšwago Gootlologa. O tla botšwa go tšwa kua go ya pele. Ke ne mopropeta o tla godimo kua go go botša o dire eng, o a bona. Le ka fao go...”

²³⁶ Paulo o ile tlase, a kolobetšwa, gomme a bitša Morena, a amogela Moya wo Mokgethwā.

Gomme Paulo o rile, “Ke bile le bofokodi bja nama, bjo ke bo filwego, diabolo, motseta wa diabolo, yo a *nkgehlamantše*,” yeo e bjalo ka, “moratho ka morago ga moratho.” O be a eba kaonana, gomme morago a bo hwetša gape, bo mo tie gape. O rile, “Ke rerišane le Morena makga a mararo, go bo tloša go nna, eupša Morena o rile, ‘Paulo, mogau wa Ka o lekanetše.’” Morago o rile, “Ntle le ge ke tla ikgodiša ka godimo... bottlalo bja kutollo.”

O bile le bontši, ka kutollo, go feta Petro, Jakobo, Johane, goba e ka ba mang wa bona. O Mmone morago ga ge A ile lebaka la mohlomongwe mengwaga ye mebedi, goba go feta, a eme ka go Pilara ya Mollo, a bolela le yena. Ke bogolwane bjo bokaakang lehono, mengwaga ye dikete tše pedi, gomme O sa phela! Amene.

²³⁷ O rile, “Go filwe go nna, ntle le ge nka ikgodiša ka godimo, ka re, ‘Bjale, ngwanešu, ke ka godimo ga lena bohle. Le a bona? Ke—ke Mmone morago ga ge A tsošitšwe go tšwa bahung, gomme ke boletše le Yena. Ke nna . . .’ Ntle le ge nka ikgodiša ka godimo kua, go ne sengwe ke se filwego, go ntshwara go kokobela.” Ya.

²³⁸ O bile yena yo a ba boditšego go kolobetšwagape, gape, ka go la Jesu Leina. O rile, “Ge Morongwa go tšwa Legodimong . . .”

²³⁹ O rile, “Ga se nke ka ya godimo go dikolo tša bona, kae kapa kae di bego di le.” O rile, “Ga se nke ka ya thwi Jerusalema nako yeo, gomme e sego lebaka la mengwaga ye lesomenne.” O rile, “Ke ile tlase ka Egepeta, tlase ka Asia tlase kua.” Gomme o rerišane le Morena, o bile tlase kua lebaka la mengwaga ye meraro, a ithuta Testamente ya Kgale, go e bona yohle e bapela le. Ge a bowa morago, go mengwaga ye lesomenne moragwana, o kopane le Petro le bona, gomme o bile le Ebangedi ya go swana, o kolobeditše tsela ya go swana, gomme o dirile selo sa go swana. Amene. O tsebile e be e nepile. Ee, mohlomphegi.

²⁴⁰ Theetšang Maleaki bjale, godimo fa, Maleaki 3. Bjale, ge le ka kgona, anke ke no le hlakišetša ye. Ke a dumela . . . a re phetleng ga bonolo ka kgonthe bjale go Mateo tema ya 11, gomme ke bone ge eba ke . . . ke no ba le ye e fošagetše, ke nagana ke e hweditše, nka no lebelela pele go e bona. Mateo 11. A re boneng. Go thoma go:

Gomme go tlie gwa phethega, ge Jesu a feditše taelo ya gagwe go barutiwa ba gagwe ba lesomepedi, a tloga fao go ya go ruta le go rera ka ditoropongkgolo tša bona.

Gomme . . . Bjale ge Johane . . . a kwele gore o be . . . ka kgolegong mediro ya Kriste, bile . . . ka kgolegong mediro ya Kriste, o romile ba babedi ba barutiwa ba gagwe,

Gomme o rile go yena, A ke wena yo a swanetšego go tla, goba a re sa letela yo mongwe?

Leihl la Johane la ntšhu le apešitšwe ka leapi, tlase ka kgolegong. Le a bona?

Jesu o fetotše gomme o rile go yena, Eyang . . . bontšhang Johane gape dilo tše tše lena le . . . di kwago le go di bona:

“Johane ke mopropfeta. Gomme ge a ka—a ka kwa se, ka se se diregago, o tla tseba Ke nna Mang.” Le a bona? O rile:

Difofu di amogela pono ya tšona, . . . dihlotša di a sepela, ba lephera ba a hlwekišwa, . . . difoa di a kwa, gomme bahu ba a tsošwa, . . .

“Gomme dikerekemaina tšohle di mmogo”? Ga e bolele ka mokgwa woo, a e a dira? Aowa. Ga e dire. E rile:

...dihlotša di a sepela, ba lephera ba a hlwekišwa, . . . difoa di a kwa, gomme bahu ba a tsošwa, gomme bahumanegi ba ne ebangedi e rerwa go bona.

Leswao šeleo. Šetšang:

Gomme ge ba tlogile . . .

Gomme wa lehlogenolo ke yena, yo a sa . . . kgopšego ka nna.

Bjale šetšang: “Wa lehlogenolo ke yena yo a sa *kgopšego* ka Nna,” ka mantšu a mangwe, goba, “*a sa lewego ke hlong* ka Nna. Wa lehlogenolo ke yena yo a ka se lewego ke hlong ka Nna.” Le a bona?

...ge ba tlogile, Jesu o thomile go re go lešaba maelana le Johane, Le be le tšwetše ntle ka lešokeng go bona eng?

Šetšang moprefeta yo bjale:

*...Le be le tšwetše ntle ka lešokeng go bona eng?
Lehlaka le le tšokotšwago ke phefo?*

E sego Johane. Oo, aowa. “Lena moloko wa dinoga ka bjanyeng,” o rile go tšona dikerekemaina, “ke mang a le seboditšego go tšhaba go tloga go bogale bjo bo tlago? Le se ke la thoma go re, ‘Ke rena ba *ye le yela*, gobane Modimo o kgona go tsoša bana go matlapa a.’” Oo, ngwanešu, e be e se lehlaka le tšokatšokišwa ke phefo, ka yena.

...Lehlaka le le tšokatšokišwago ke phefo?

Goba a le tšwetše ntle go bona eng? Motho moapara tše boleta? (O swanetše go fetola diaparo tša gagwe makga a mabedi goba a mararo mola a sa rera?) bonang, bao ba aparago seaparo se boleta, diaparo ba dintlong tša kgoši.

Ke badiredi ba ba yago ntle gomme ba atla masea, le a tseba, le—le go nyadiša baswa, le—le go ya sekolong le go dira dipolelo tša bohlale, le, le a tseba, dilo tšohle tše nnyane tše tša tonankatshadi. Le a bona? Le a bona? Ga a akge tšoša ya maswaromabedi ntle fa mothalong wa pele. “Le be le eya ntle go bona eng, mothaka tsoko boka yoo?” O be a . . . O a ba botšiša.

*Eupša lena le tšwetše eng tle . . . go bona? Moprefeta?
(Theetšang.) ya, gomme Ke re go lena, gomme o feta le moprefeta.*

Ee, mohlomphegi. O be a le eng? “O re ‘o feta le moprefea’?” O be a le moprefeta, le. O be a le motseta wa lebaka lela.

*...le be le tšwetše ntle go bona eng? Moprefeta? ya,
Ke re go lena, gomme go feta le moprofeta.*

*Gobane yo ke yena, ...yo go ngwadilwego ka yena,
Bonang, Ke roma motseta wa ka pele ga sefahlego sa
ka, ...go lokiša tse tsela pele ga ka.*

Lebelelang godimo fa ka go Maleaki 3. “Bonang, Ke roma motseta wa Ka pele ga sefahlego sa Ka.”

²⁴¹ Šetšang. Bjale, Maleaki 4, anke ke bale ye. O ya go tla gape.

*...bonang, letšatši le a tla, le le tla fišago bjalo ka
obene; gomme baikgantšhi bohole, ya, ...*

²⁴² Leo ke lehono. Ke sepela go theoga mokgotha gomme ke bona batho ba. O ka kgona go bolela le bona, gomme ba a go sega, ba dira metlae ka wena. Ke a nagana, “Ke eng yona?”

Letšatši le lengwe, ke be ke sepela go bapa, go theoga, thoko ga sekwaere tlase fa. Ke be ke bolela le batho tsoko, gomme ba nno re, “Oo,” ba sepelela pele.

Se sengwe se nno re go nna, “Ke morwele wa athomo, ka pejana go ba melora go šwalalana godimo ga mobu. Ba tlogele ba nnoši. O boletše khutšo ya gago. Eba komana gomme o tšwe ka fa.” Haleluya! Ke be ke se ka swanela go be ke boletše seo, ke a thanka. “Itire komana wena mong. Bofa matheka a gago. Ke a go bitša.” Ke ka baka leo ke letilego.

*Gobane, bonang, letšatši le a tla, le le tla ba fišago bjalo
ka obene; ya, baikgantšhi bohole, ...le bohole ba ba dirago
bobe, ba tla ba bjalo ka makobe: ...*

Seo ke tlwa se tla bago. Go direga eng ge wo mogolo... ba bangwe ba lena balemi; ge mollo wo boima o betha tšhemong ya korong, ge e no ba makobe? O no e latša go batalala, ka melora ka morago. Ke seo se tla dirago, ge leo, ge a ratha.

*...letšatši le a tla leo le tla tšhumago, o rialo MORENA
wa mašaba, leo le ka se ba šadišego ga ešita modu goba
lekala.*

Go ka se šale selo sa bona.

*Eupša go lena bao le boifago leina la ka Letšatši la toko
le tla hlaba ka phodišo ka diphegong tša gagwe; ...le tla
ya pele, le go gola bjalo ka mamane ka lešakeng. (Woo
ke Mileniamo.)*

*Gomme le tla gatakela babe fase; gobane ba tla ba
melora ka fase ga dikgato tša maoto a lena ka letšatši
leo le Ke tla dirago se, o rialo MORENA wa mašaba.*

Go tla ntle, ka Mileniamong. “Melora ya babe.”

*Elelwang...molao wa Moshe mohlanka wa ka, wo
Ke laetše...yena mo Horebe bakeng sa Israele yohle,
bjalo ka ditshwanelo le kahlolo.*

Bjale, theetšang sekgauswi bjale.

*Bonang, Ke tla romela go lena Eliya moprofeta pele ga
go tla ga lela le legolo le go šiša letšatši la MORENA:*

²⁴³ Bjale, yoo e ka se kgone go be e bile Johane. E be e ka se kgone go ba, gobane lefase le ka be le sentšwe nako yeo. Eupša fa O rile, ka go Mateo 3, O roma motseta pele ga Gagwe. Gomme Jesu o rile, “Yoo ke Eliya yo e bego e le wa go tla, go lokiša tsela pele ga Ka.”

“Eupša pele pomo ye kgolo ye ya athomo e itia, Ke romela Eliya moprofeta go lena.”

*Gomme o tla retollela dipelo tša botate go bana, le
dipelo tša bana go ya go botate, gore Ke se tle gomme
ka itia lefase ka thogako.*

²⁴⁴ Seprofeto, ka letšatšing le.

Eupša bjale le re, “Oo, Eliya yola, e be e swanetše go ba Johane.” Motseta wa kgwerano e be e le Johane, therešo. Yeo ke nnete tlwa. Jesu o boletše bjalo, gomme o e netefaditše thwi fa, “Yo ke yena Ke boletšego ka yena.” Eupša, le a bona, e be e ka se kgone go ba Eliya yo e bego e le wa go tla. Le a bona? E be e ka se kgone go ba. Gobane, le a bona, ge e be e ka ba, gona seprofeto se be se fošagetše; lefase ga se la senywa morago kua. Le a bona? “Eupša pele letšatši le legolo le la go šiša la Morena le ka tla, Ke tla roma Eliya go lena. Gomme o tla bušetša,” šetšang go tla ga gagwe ga pele, “dipelo tša botate go bana.” Ke seo a se dirilego, pele, o tlišitše molaetša wa lebaka le leswa, go tla ga Kriste bjale, go goga botate ba kgale ba orthodox go tloga go tumelo yela ya orthodox, go ya ka go tumelo ye mpsha yeo e sa tšogo tswalwa.

Ka gona ge a etla lekga la bobedi, “Gomme dipelo tša bana morago go botate ba pentecostal, Molaetša wa setlogo.”

²⁴⁵ Bjale eyang godimo fa ka go Kutollo 3, gomme le tla e bona thwi fao gape. Kafao, e profetilwe. Re mo nakong ya bofelo, ngwanešu wa ka. Yeo ke nnete.

²⁴⁶ Boka baprofeta ba makgolonne kgahlanong le Mika, ba re . . . Re ka go letšatši leo la mafelelo, re a tseba. Baprofeta ba maaka, ba bontšha maswao a maaka, go tšoena dikerekemaina. Ba re, “Etla gomme o tšoene. A re tšoeneng. Wena etla gomme o tšoene kereke ya rena. Tliša boleloko bja gago. Re a bula mosong wo bakeng sa gago go fetišetša boleloko bja gago go tšwa kerekeng *yela* go tla ka go *ye*.” Oo, ditšiebadimo. Ke botse bofe boleloko bja gago bo go direlago? Ge o se ne bohwa ka Legodimong, lebala ka bjona. Baprofeta ba maaka ba tla bontšha maswao a maaka.

²⁴⁷ Eupša, lebelelang, baprofeta ba therešo, ba tla dula le Lentšu la Modimo. Maswao a therešo a tla tšweletša Lentšu la therešo la Modimo go Kereke ya therešo, gomme Kereke ya therešo e tla amogela Lentšu gomme ya hhalala godimo ga Lona. Ge mohlape

wo monnyane, wo o tla fiwago ka matšatšing a mafelelo, e tlagogo ba mašalela a Bantle, a tla rwalelwago mošola.

²⁴⁸ Ge Jesu a tlie, go be go se—go be go se eupša ba sego nene kudu fao ba ba dumetšego. Sehlopha sa Johane se sennyane e bile sona se se dumetšego. Jesu o ba tšere go tloga fao go ya pele, a dira barutiwa go tšwa go bona gomme o ile pele. Ge Eliya . . .

²⁴⁹ Ge tshenyo e etla, ge nako ya Noage e etla, o be a le leswao, gomme o tšeetše batho ka arekeng. Ge Eliya a etla, o gogetše batho ka ntle ga kgakanego ye ba bego ba le ka go yona. Ge Johane a tlie . . . Baprofeta bohle ba be ba le leswao, leswao, maswao, leswao.

Gomme O re tshepišitše leswao ka letšatšing la mafelelo. Ka matšatšing a mafelelo go tla ba leswao. Ke leswao le le tshedišitšwego mahlo. Batho ga ba le bone. Ba no ya bokagodimo ga lona, le go le lesa la tloga. Ngwanešu, kgaetšedi, o se ke wa tšoena kereke. Anke ke bolele se, go tswaleleng bjale.

²⁵⁰ Ge feelsa o bile le boitemogelo bja khuduego tsoko, maikutlo tsoko, o se khutše go ao. O se tsoge wa e dira. Bakeng sa lena batho. Lena le . . . Ke bolela le batho. Ke ba kwele ba thwatlaketša digatiši tša theipi morago kua, gonabjale. Bjale ke bolela le Kereke. Le a bona? Theetšang. Le se ke.

²⁵¹ Ke bolela bontši bja tšona dilo dinako tše dingwe, ka mokgwa woo, gore batho ntle ka nageng ntle fa, ba dule le Modimo. Šetšang bakeng sa leswao la lena la therešo. Le tla le bona. Le tla ba gohle go le dikologa, eupša dimilione ba tla sepela thwi thoko ga lona gomme ba se le bone.

Ge Jesu a etla, ga se ba ke ba Mo tseba.

Ga se ba ke ba lemoga Eliya. A le tseba se ba se boletšego ge Eliya a ile godimo? Ga se ba ke ba dumela ditšiebadimo tše. Ba rile, “Ke ditšiebadimo.” Bana thwi kua ka go toropokgolo yela mong, moo a phetšego godimo . . . a phetšego ka go yona, a rerilego ka go yona, a dirilego maswao le matete thwi kua ka nageng yela, ge fao go etla alamo ntle, “Ga re kgone go hwetša Eliya; Morena o mo tšeetše godimo ka sesasedi,” ba segile selo se sebjalo.

²⁵² Eliya šo o a tla, Elisa, ka maswao a go swana godimo ga gagwe, sekai sa Kriste le Kereke ya Gagwe. Eliya šo o a tla, go swana; Elisa, maswao a go swana Eliya a bilego le wona, a etla thwi tlase, a dira seo. Ebile le bana ba bona ba bannyane ba mo latetše ntle, ba rile, “Ralefatla wa kgale, gobaneng o se wa ya godimo boka Eliya?” Le bona se se diregilego go bana ba go fapoga?

Lehono ba a sega le go dira metlae. Se tshwenyege, ngwanešu, kahlolo e lekeletše ka mafaufaung gonabjale. E ngwadilwe sefahlegong sa Moamerika yo mongwe le yo mongwe.

Yeo ke nnete. Kahlolo e lekeletše ka mafaufaung, bogale bjhohle bja Ramaatlakamoka Modimo.

²⁵³ [Ga go selo godimo ga theipi—Mor.] “Banyatši ba bao ba lokilego; ba ne sebopego sa bomodimo, eupša ba gana maatla a bjona: go ba ba bjalo retologa.”

²⁵⁴ O se ke wa tsea maikutlo. O se ke wa tsea khuduego. O se ke wa tsea e ka ba eng go fihla o kopana le Modimo, sefahlego ka sefahlego, gomme dumelela Moya wa Modimo o tle ka go wena. O tla tlatša pelo ya gago le soulo ka maatla, le lerato, le go swa.

²⁵⁵ Modimo, nthuše go hwetša lefelo la ka mošola, felotsoko mo matšatšing a se makae a go latela, fao go dula go fihla ke bona mo mosepelo wa ka wa go latela o lego.

²⁵⁶ Re letile nako ye telele. Ke letile nako ye telele. Ke elelwa ke ripa jarata ya ka bjang morago kua. Ge ke be ke aga ntlo ye godimo fa, Morena o mpiditše. Mosadimogatša wa ka o llile gobane o be a sa nyake go tlogela mmagwe. O rile, “Mohlomongwe o be a ka se hlokamelwe . . .”

Ke rile, “Ke ne mme wa go tšofala, le nna.”

²⁵⁷ Ke be ke dutše tlase kua, letšatši le lengwe, ke ripa bjang. Ke dutše fase. Feela go no hlaka, Segalontšu sa tla, se rile, “Ikaroganye wenamong, gona Ke tla go šegofatša.”

Ke rile, “Morena Modimo, ntire ke thabe fa. O bona se ke lego godimo kgahlanong le sona.”

²⁵⁸ Dilo tšeо tšohle di fedilego bjale. Mme Broy o ka Letagong; Mme Branham, le yena.

“Mosepelo wa ka o kae, Morena?”

²⁵⁹ Kahlolo e ya go ratha naga ye, le lengwe la matšatši a. Go ne ditšhaba tše dingwe di sego tša kwa Ebangedi. Go ne mafelo.

²⁶⁰ E ka ba eng o e dirago, o se ke wa lebala mantšu a ka. O se ke. Anke se se kgwaparetše. Modimo tsea pene ya tshipi gomme a le tloke ka pelong ya gago, gore o ka se le lebale. O se le lebale. O RIALO MORENA. Boelang go Modimo, ka dipelo tša lena tšohle. Etlang morago. Le se ke la itshama godimo ga khuduego, maikutlo, goba e ka ba eng. Nyaka Modimo ka tšohle tše di lego ka go wena, go fihla se sengwe se direga go wena, gore o nyaka go otlologa, o nyaka go ba wa bomodimo, o boifa Modimo, o—o nyaka go phela gabotse. Dira seo. O se tsoge wa se lebala, gobane re nakong ya bofelo. Bjale, elelwa, re nakong ya bofelo.

²⁶¹ Gomme elelwang se, ge ke tswalela, go rapela, mo motsotsong. Le se ke la lebala. Nkweng, tabarenekele. Ge theipi ye e sa ya, nkwe, lefaseng, goba kae kapa kae e tla yago. Go tla tsoga leswao, leswao la therešo. Mohlomongwe le šetše le tsogile gomme le tshedišwa mahlo, leswao la therešo leo Modimo a le filego ka mehla, leo le tshedištšwego mahlo.

A re rapeleng.

²⁶² Jesu wa Natsaretha, bjalo ka ge Segalontšu se segolo sela se boletše mošola letšatši lela, dibeke di se kae tša go feta, go emeng ka lehlakoreng, ge ke be ke tshela godimo ga kwata yela, go dikologa mohlare, gomme Moya wola wo o tlilego go kgabola tšona dintlhora tša mehlare gomme se rile, “Jesu wa Testamente ye Mpsha ke Jehofa wa ya Kgale.” O Modimo, godimo ga Leswika le ke a ema. Mabala a mangwe ohle ke kwenamohlaba. Mabala a mangwe ohle ke kwenamohlaba.

²⁶³ Lebaka la mengwaga tsoko ye masometharo, Morena, ke goeleditše, go kgabola moedi wo fa. Molaetša wola, ga se ka tsoge ka šutha intšhi e tee go tloga go Wona, go tloga fao ke thomilego, feela Molaetša wa go swana, selo sa go swana; ke biletša batho morago, e sego go maikutlo, eupša go boitemogelo bja go kopana le Modimo le go tswalwa ka Moya wa Gagwe. Oo, go tla šala eng eupša kahlolo? Bona ba ba ganago Molaetša wola, Morena, ga go selo se šetšego.

²⁶⁴ Wena o phethagaditše Lentšu la Gago, go bega maswao a letšatši la mafelelo, le go le netefatša go se palelwé, gore O Modimo, le gore re fa. Ebile le ge re ekwa baebangedi ba bagolo ka dinageng lehono, bohole ba goeleta ntle. Gomme mošate wa setšhaba sa rena, le go šupa ga ditšhaba tše dingwe, le—le letšhogo le ewa. Gomme ge re ekwa banna ba bagolo ba, thwi go ya ka Fora, ba bolelelapele gore pomo ya mathomo e tla wela ka Louisville, Kentucky, lebaka la dimaele tše makgolo e tla swiela naga. O Modimo, ba bile le sebaka go kwa, eupša ga se nke.

²⁶⁵ Dikuranta, dilwana tša kereke, thelebišene, seyalemoya, se e rwele. Ga go ne maitshwareletšo. Ka gona, Morena, O rile, “Bohole ba Tate a Mphilego bona ba tla tla, gomme ga go motho a ka tlago ntle le ge Tate a mo goga pele.”

²⁶⁶ Bjale, Tate, ke rapela thapelo ye bakeng sa ka. Ke nna yo, ke ba mokgalabje bjale, gomme ga ke tseba re ne matšatši a makae a šetšego, Morena. Re ka no se be le ge e le lehono. Eupša e ka ba eng le šetšego, Morena, le le le šetšego ka bophelong bja ka, O Modimo, a go a kgonega O ka kgona go le tšeа gomme o dire se sengwe ka lona, go letago la Gago?

²⁶⁷ Sa pele ke rapelela nnamong, Morena, gore O tla mpha thato ya Gago. Anke thato ya Gago e dirwe, Morena, e ka ba eng e lego. Ke nyaka se bolelwé ka letšatši lela ge ke etla go kopana le Wena, “Se dirilwe gabotse.” Ge e le se segolo, goba ge e le se sennyane, e ka ba eng se lego ka pelong ye kgolo ya Gago bakeng sa bophelo bja ka, Morena, ke nna yo.

²⁶⁸ Romela Morongwa ka legala la mollo gomme hlwekiša dipounama tša rena gomme re hlwekiše, Morena, bakeng sa selo se segolo seo se lokelago go ratha lefase. Anke re be segalontšu se se goeelago ka lešokeng la sebe, “Lokelang go kopana le Modimo.”

²⁶⁹ Kereke ye nnyane ye, batho ba ba ttago, letšatši ka morago ga letšatši, gomme ba otlela dimaele tše makgolo, O wa Gosafelego le lerato, wa go se tsoge a lebala tiro, Modimo wa Abraham, Isaka, le wa Jakobo, Yo a tsošitšego Jesu go tšwa bahung, gomme bjale O dutše ka seatleng se setona sa Bogosi Godimo, Modimo yo a phuthetšwego ka nameng, šegofatša batho ba bao ke ba šegofatšago Leineng la Gago. Anke ka mehla ba elelwe gomme ba tsebe gore go ne leswao, leswao la bofelo. Ke a rapela gore O tla fa go bona, le go ba dira bathopi ba ba bangwe: mošomong wa bona, kae kapa kae ba ka bago, dikhoneng tša mokgotha, diteišeneng tša petrole, goba kae kapa kae e ka bago, go paka ka kgwebong ya krosari, go monna wa maswi. Eng kapa eng e ka bago, Morena, ge se sengwe se sebotša godimo ga pelo ya bona, anke ba be hlatshe. Anke ba phele a bjalo a bomodimo le go hlwekišwa maphelo go fihla ba tla ba diepistola tša go ngwalwa di balwago ke batho bohole.

²⁷⁰ Modimo, šegofatša basadi ba rena. O Modimo, ke a rapela gore O tla ba dira ba hlapé difahlego tša bona, bao ba sa dirego, tsea... tloša meikapo wola wa Isebele go bona. Anke ba be le sebete sa Bakriste, le Moya wa Modimo godimo ga bona, go lekanelo, go tseba gore ga ba swanelo go apara diaparo tšeotša ditšhila tše ba di aparago. Ba tlogole moriri wa bona o gole, boka bahumagadi. Gobane go ngwadilwe ka Beibeleng, "Se bohlokwa sefahlegong sa Morena ke lekala le lennyane lela leo le tla phonyokgago selo sohle seo se ttago pele ka letšatsing la mafelelo. E tla ba letago sefahlegong sa Modimo," bjalo ka ge moprofeta a se profetetše pele. Modimo, efa seo.

²⁷¹ Ga go selo gape nka se dirago. Ke goeleditše segalontšu sa ka, lebaka la ngwaga ka morago ga ngwaga, Morena. Gomme ntle le ge O šutha bjale, ga go selo nka kgonago go se dira. Ke a rapela gore, gore O tla dira. Gomme ke a tseba O tla dira, gobane O e tshepišitše ka Lentšung la Gago. Gomme fao ke mo ke emego. Ke kgonna feela go fa bohlatshe, Morena. Gomme ga go motho yo a ka ttago ntle le ge O mo goga; gomme bohole bao Tate a ba filego ba tla tla. Ke na le netefaledšo yeo, gore Lentšu la Gago le tla hlokamelwa. Re šegofatše, Morena.

²⁷² Gomme ge go ne bao fa bao ba nogo tshepela go maikutlo, mohlomongwe ba goeleditše, ba, mohlomongwe ba ne Moya wo Mokgethwa, goba... Re be re ka se bale seo, Morena, gobane re bone batho dipapading tša kgwele, ba goeleta. Re bone batho mathabong a lefase, ba goeleta. Re bone bao ba thabile kudu go fihla ba lla, ntle mo lebatong, ba bina, le dilo tšeotšo. Yoo ga se Wena, Modimo.

²⁷³ Eupša go kopana le Wena le go bolela le Wena, gomme O bolela morago, ke seo re se nyakago, Morena. Oo, ke a Go rapela, Modimo, mo motsotsong wo, gore O tla romela Moya wo Mokgethwa wola ka kamoreng, le lennyane le, lefelo la go kokobela. Ga go lefelo la go Mo swanelo go tla. Eupša ke a rapela,

Modimo, gore, ka tsela ya Gago mong, gore O tla Mo romela gonabjale ka kamoreng. Kgodiša disoulo.

²⁷⁴ Bjalo ka ge ke boletše lebakala go feta, Morena, mohlomongwe O beile kotanašitiši ka tseleng ya yo mongwe, ka dipitšo tše tša aletara, go kgopela le go phegelela batho go ya godimo. Gomme ge re bowa morago ngwaga wo o tlago, re ba hwetša ngwana wa hele go menagana gabedi kudu go feta ba be ba le la mathomo. Ba ka kgona bjang go tla ntle le ge O ba kgodiša le go ba fenza, Moya wo Mokgethwa wo mogolo?

²⁷⁵ Gomme ke a Go rapela, Morena Modimo, ge monna goba mosadi modiradibe yola, mošemane goba mosetsana, a le ka moagong mosong wo, gore Moya wo Mokgethwa o tla tla ka maatla a bjalo a go kgodiša go fihla megokgo e tla keleketa go theoga marama a bona le go rothela ka soulong ya bona, Morena, gore go tšwa matebong a pelo ya bona ba tla amogela Kriste. E fe, Morena. Ba ka se hloke aletara. Soulo ya bona e tla ba aletara ya bona. E fe, Morena. Ka gona ba tla go Wena ka pelo ya go tlala, le go re, “Bjale ke nyaka go kolobetšwa Leineng la Jesu Kriste bakeng sa go tlošwa ga dibe tša ka tše ke sokologilego go tšona.” E fe, Morena. Ba tlatše ka Moya wo Mokgethwa.

²⁷⁶ Re fe baebangedi lefaseng lehono, e sego bao ba phegelelagoe go goga, le go dira bana ba kerekeliina. Modimo, itsošetše bana tsoko Wenamong. Eba le batho, Morena, go rapela. Ke nagana ka ntlo ya Koronelio. Ga se ya ke ya tsoge ya direga go Montle pele, eupša ba be ba ikona le go rapela. Gomme ge monna yola wa Modimo, moprofeta yola, a eme kua, “Gomme ge a be a sa bolela mantšu a, Moya wo Mokgethwa o wetše godimo ga bona bao ba kwelego Lentšu.” Modimo, efa mohuta woo wa kopano. “Ge Petro a be a sa bolela mantšu a.” O Modimo, ba be ba le komana. Ba be ba ikonne. Ba be ba letile. Ba be ba hlokofetše. Ba be ba se ba no “leta,” ba be ba “letile go fihla.”

²⁷⁷ Baapostola bale ba letile go fihla Modimo a etla fase magareng ga bona, gomme ba kgonne go Mmona le go bolela le Yena. Ba ile ntle ka dipelo tše di tšhumilego lefase go ba magogo. Ba be ba le sebete, gomme ba eme ka gare ga mafelo moo go bego go ka ra go bona go ba le dihlogo tša bona di ripša. Ba rile, “A go re loketše go le theetsa, goba mekgatlo ya lena, goba lena banna ba kerekeliina? Goba, a re tla theetsa Modimo? E boneng lena.” Gomme thwi go otlologa, ka pejana ge ba ba tlogetše, ba ile thwi ntle gomme ba rerile Leina la Jesu Kriste gape. O Modimo, re fe—re fe bao, Morena.

²⁷⁸ Tsoša yo yoo O bolelagoka yena ka Mangwalong, go rena. Mo tlotše, Morena. Ke bitša bakeng sa gagwe. Mo romele, Morena. O Modimo, dipelo tša rena tša go swarwa ke tlala di a goelela. Mo romele, Morena, yo a tla bušetšago batho morago go Tumelo ya botate gape, yo a tla ba tlošago go diphaphethe tše tša kerekeliina, go ya ka go boitemogelo bja kgontha le Modimo,

boka ba dirile ka Pentecost, kereke ya kgonthé gape, e tšuma, ka Molaetša wa go swana, Tumelo ya go swana, Thuto ya go swana, Beibele ya go swana, Modimo wa go swana ka maswao a go swana. Re tsošetše moprefata, Morena.

²⁷⁹ Fodiša balwetši magareng ga rena lehono, Morena. Go na le bao fa ba hlokago. Ke a ba rapelela, Tate. Ke bile botelele kudu, go telefala mosong wo, gomme go ne bao ba dutšego fa.

Bošego bjo bongwe ge moapostola Paulo a be a rera bošego bjhole, lesogana le wele go tšwa moagong gomme la ipolaya lonamong. O otsetše. O be a sa re go, eupša o—o otsetše. Gomme o wele, gomme bophelo bja gagwe bo ile bja sepela. Gomme moapostola o rapetše, gomme bophelo bo tlie morago ka go yena gape.

²⁸⁰ O Morena Modimo, go ne ba bantsi fa ba wetšego ka bolwetšing. Gomme mola re letile boteleleng go feta nako ya go phatlalatša kereke, go na le bao ba babjago. O Modimo, anke maatla ale, Moya wo Mokgethwa wola—wola o tlago ka sebele ka go Pilara ya Mollo, Yo a ipegago Yenamong le go dira Yenamong go tsebjia go ba Yena A lego, gomme re a Mo dumela, Mo dire a dikologe motho yo mongwe le yo mongwe ka fa lehono. Fodiša balwetši. Tlatša ka Moya. Efa tlhakodišo ka mokgwa wo mongwe le wo mongwe, Morena, yeo re e hlokago. Tlatšamoka dipelo tša rena ka tumelo, Modimo, ka tumelo ya go se hwe, ka tumelo ya go se itšimeletše gore re ne O RIALO MORENA. E fe, Morena.

²⁸¹ Ke batho ba Gago, Molaetša wa Gago, Lentšu la Gago, bahlanka ba Gago. Gomme diabolo ga a ne go re swara. A ka se kgone ebole go senya ge tabarenekele ye e senywa. “Gobane ge tabarenekele ye ya lefase e senywa, re ne ye e šetšego e letile.” A ka se re gobatše, gobane se sengwe le se sengwe se e lego lenaba la rena ke lenaba la Gago, gobane re ba Gago. Re rekilwe ka poreisi ye kgolo, ya Madi a bohlokwa a Jesu.

Kagona, lena bodiabolo ba ba tlemilego batho ba ka bolwetši, ke a le batamela, Leineng la Jesu Kriste, go tšwela ka ntla ga yo mongwe le yo mongwe wa bona. Bjalo ka mohlanka wa Modimo, go tleleima Lentšu le go ba Therešo, ba tlogele. Ga o ne ditokelo. Se sengwe le se sengwe o tsogego wa tleleima go ba le sona, se khantshetšwe mo Khalibari. Gomme o ka se sa kgona go ba swara boteletšana.

²⁸² Bjale, Modimo, efa monna yo mongwe le yo mongwe le mosadi, mošemane goba mosetsana ka fa, tumelo go dumela seo. Lentšu le bolwetšwe. “Ge o re go thaba ye, ‘Šuthišwa,’ gomme o sa belaele ka pelong ya gago.” “Thapelo ya tumelo e phološa molwetši.” “O ne se o se kgopelago.” Re tseba seo. Re na le boitshepo bjoo ka go Modimo. Ge re ne tumelo e ka ba efe ka nnete, ge Modimo a phela ka go rena, re dumela seo. Gomme ke a tseba go bjalo, Morena. Kafao, e fe, lehono, bakeng sa bolwetši le phološo. Goba, ke swanetše go be ke rile, goba ke swanetše go

be ke rile, phološo pele gomme morago bolwetši. E fe, Morena, gobane soulo e bohlokwa kudu go feta mmele.

²⁸³ Eupša bao ba, dinako tše dingwe, soulo ya bona e phološitšwe, gomme mmele wo wa kgale e sa le wa Sathane, gomme o a tseba gore o tla o tsea mo bofelong bja nako. O tla o šilaganya a o romela morago go fihla diboko tša lefase di tla nanampa ka go wona le go o ja. Eupša a ka se tsoge a kgwatha soulo yela, gobane ke lehumo le bohlokwa la Modimo. Gomme ka bophelo bjola, boka go tšwa letlakaleng, bo boela morago go Modimo Yo a bo filego; bo tla tla pele ka go sehla sa go latela, ka mmele wo moswa woo Sathane a ka se tsogego a kgona go o kgwatha. Ga ešita le botšofadi goba e ka ba eng gape bo ka se tsoge bja o kgwatha. E tla ba mmele wo o tagafaditšwego. Re lebeletše woo, Morena. Šegofatša batho ba Gago bjale. Ke ba Gago. Gomme ke ba neela ka seatleng sa Gago. Ke kgopele se ka go la Jesu Leina.

[Ngwanešu Neville o a profeta—Mor.] Letago...
Tumišang...[Ngwanešu yo mongwe o a profeta.]

²⁸⁴ Leo ga se lentšu la ka. Leo ke Lentšu la Gagwe. Oo, se re se hlokago, iring ye—iring ye yeo re phelago! A ga le kwešiše, bagwera, gore Modimo ga a tle go batsebalegi ba bagolo? O dula magareng ga tša go kokobela, tše nnyane, dilo tša go kokobela. Mohlomongwe ga le lemoge se se diregago gonabjale, se se sepelago magareng ga moago wo, se se sepelago magareng ga batho ba gonabjale.

²⁸⁵ Gobaneng Moya o boletše, peleng, “Pele Ke ba dirile e ka ba eng,” ka Ngwanešu Higginbotham? “Šetšang Molaetša wo, gobane Ke O tlisitše,” se sengwe sengwe boka seo, “go le sebotša ka selo se seo se tlago.” Lebelelang se se diregilego.

²⁸⁶ Dilo tše dingwe, Mangwalo a ke bilego le wona a ngwadilwego fase fa, ga ka tsoge ebile le go a kgwatha, gomme ke ile thwi go tloga go Wona. Ke be ke išwa ntle kua ke Moya wo Mokgethwa. Le a bona? A mangwe a Mangwalo, ebile ga se ka a kgwatha. Ke nno fapogela go selo se sengwe, go felela. Gatee ka lebakana, go kweng se sengwe se etla, go phetla ka kua le go hwetša mo se bego se le. Moya o bolela ka thoko go gongwe le go gongwe bjale.

²⁸⁷ Oo, batho, botegang, hlokofalang. Le se leke go khutša godimo...Le a bona, lena le—lena le lebeletše se sengwe se segolo le go phatsima.

Ge, baprofeta bohole, ebile ke Dafida o rile, “Mo go Tleng ga Morena, gore, thaba ye nngwe le ye nngwe e tla kokabetšwa, gomme ma—gomme mafelo a fase a tla phagamišwa.” O rile, “Dithaba di tla taboga boka dikgopana tše nnyane, gomme matlakala ohle a tla phapha diatla tša wona.” Gabotse, a batho ba naganne seo e be e tla ba eng, ge...Jesu a tlie?

E tlie ntle go ba eng? Moreri wa go kokobela wa kgale, a se ne thuto. Ka mengwaga ye senyane bogolo, o ile ka lešokeng, e sego go hlahliliwa ke motho, eupša go—go hlahliliwa ke Modimo. O tlie ntle, gomme a ema ka ntseka ya letlalo la nku le tatilwe go mo raretša, ka wulu gohlegohle sefahlegong sa gagwe, tshitšiboya gohlegohle, gomme moriri o lekeletše go theoga molala wa gagwe. A phela ntle ka lešokeng, ka ditšie, tseo ke dinatšha, ditšie tša lešoka le todi, ge a phetše ka lešokeng. Gomme a tla, o eme ka lerageng mo mašing, gomme a bega go tla ga Mesia. Gomme Mesia o sepeletše thwi tlase, Monna wa mehleng magareng ga batho, gomme o kolobeditšwe. Gomme baprofeta bohole ba e begile go ba ye nngwe ya dilo tše kgolokgolo e kilego ya direga, gomme e bile. Le a bona?

²⁸⁸ Ba lebelela se sengwe se segolo, selo sa go phatsima, go direga. Le a bona? Moya wo Mokgethwa ga o phatsime. O a phadima. Go phatsima ke ga lefase. Go phadima ke ga Modimo.

Phadima godimo ga ka, Morena, ke thapelo ya ka. Nkokobetše fase. Ntše, nkholoke le go ntira. Moya wa Modimo wa go phela, sepela bonanana godimo ga ka. Nkgoloke, ntire. Ntire wa Gago Mong, Morena. Nno ntše.

²⁸⁹ Ke no ba ke lemoga gore Moya wa Kriste o sepela go dikologa go kgabola moago wo fa mosong wo. Modimo yo a tla ahlolago lefase o thwi fa bjale, feela ka nnete ka fa ke emego ka phuluphithing ye. Go bile tee, pedi, tharo mabohlatse a wona, a Lentšu, feela tlwa se Beibele e se boletšego. A le e kwele e tswalela nako yela, morago ga fao? Tee, pedi, tharo, se sengwe le se sengwe ka tshepedišo ya semoya, se sengwe le se sengwe ka tshepedišo ya Lengwalo. Oo, bulang dipelo tša lena gomme le kwešiše. Oo, nako ye bjalo, go ka direga eng nako ye!

²⁹⁰ Ba be ba le ka kamoreng ya ka godimo, bohole ka mmero o tee, ba letile. “Gobane ba ba letelago go Morena ba mpshafatša maatla a bona. Ba tla hlatloga ka diphego boka ntšu.”

²⁹¹ O se ke wa no ya godimo kua gomme wa re, “Morena, ke manyami ka dibe tša ka. Bjale ke amogela ka tumelo gore ke ne Moya wo Mokgethwa,” gomme wa tloga.

“Bao ba letelago go Morena,” dibeke, matšatši, e ka ba eng e lego, “ba tla mpshafatša maatla a bona. Ba tla hlatloga ka diphego boka ntšu. Ba tla kitima gomme ba se lape. Ge ba sepela, ba ka se lape. Nthute, Morena, nthute, Morena, go leta.” Letela go Morena.

²⁹² Mosegare le bošego, kgafetšakgafetša, Anna o be a le ka tempeleng, a rapela kgafetšakgafetša, mosegare le bošego. Ge ba tlišitše Jesu ka gare, o tlie ka gare, a foufetše, go kgabola moago, a sepela go dikologa. Mosadi wa sefoufou a bea diatla tša gagwe godimo ga Gagwe gomme a šegofatša Modimo. Gobane, ka bofotung bja gagwe bja mmele, ka moyeng wa gagwe, o be a sepedišwa ke Moya, go fihla fao A bego a eme.

²⁹³ Fao, Simeone, a Mo letetše, morago ka kamoreng ya thapelo morago kua, o tsebile gore o bile le tshepišo, ka Moya wo Mokgethwa, gore o be a ka se hwe; mokgalabje, masomeseswai, kgauswi le masomesenyane bogolo. Gomme o be a...o boditše batho phatlalatša, “Nka se bone lehu go fihla ke bona Mesia.” Gomme ka motsotso woo wa go swana, Lesea le lennyane la kgale... .

O be a le eng? E sego motsebalegi, bahlapetši bohole ba eme tlhoko ge ba tliša Mesia ka gare, a potokilwe bose le botse ka kgontha, le bobotse le dinoko, gomme a tšhwetšwe monkomonate boka masea a mannyane a a tlago go gafelwa. Eupša mme yo monnyane yo a bego a bolelwa gampe, ba rile, “O bile le Lesea, ka ntle ga lenyalo le lekgethwa.” Potokilwe ka mašelatšhireletšo, joko, diphahlo tša joko ya dipholo di tateditšwe go Mo dikologa, a sepela go kgabola moago, gomme yo mongwe le yo mongwe ba katogile kgole go tloga go Yena.

Gomme fa go tla sehlopha se sennyane sela, sehlopha se sennyane sela. Anna, yo motee. Simeone, yo mongwe, ba sepela go theoga go kgabola mothalo, a sa tsebe ke neng a yago go lahlela mahlo a gagwe godimo ga Lona. Gomme a phagamišiše diatla tša gagwe gomme a re, “Morena, lokolla mohlanka wa Gago a tloge ka khutšo bjale, go ya ka Lentšu la Gago, gobane mahlo a ka a bona phološo ya Gago.” Hum. Le a bona? Ga go selo se segolo, sa go phatsima. Go phadima; gomme le ge a be a bolelwa gampe, e be e le leswao.

²⁹⁴ Gomme, lehono, lesea le bolelwa gampe. Ga le ne tirišano. Le—Le... Le bolelwa gampe, le go bitšwa se sengwe le se sengwe. Eupša ke leswao leo le tshedišitšwego mahlo, leswao le le bolelwago gampe. Beibele e bolela ka leo, “Leswao, le le bolelwago gampe.”

²⁹⁵ A re elelweng le ge re sepela go ya magaeng a rená. Le se tsoge la dumelela Molaetša wo go hwa go tšwa dipelong tša lena. E ka ba eng le e dirago, le se tsoge la e dira. Le naganišiše ka Wo, mosegare le bošego. Gomme rapelang, mosegare le bošego, bakeng sa Modimo go tsoša hlatse ya Gagwe bjale. Re komana, gobane ke a dumela, ka pejana, nako e ka se sa ba gona. Re a tla.

²⁹⁶ “Bjang, e tla ba neng, Ngwanešu Branham?” Ga ke tsebe. Mohlomongwe lehono. E ka no ba gosasa. Ge e se lehono, ke tla be ke e lebeletše gosasa. Gomme e ka no ba ngwaga wo, ngwaga wa go latela, mengwaga ye lesome. Mohlomongwe mengwaga ye masometharo, ga ke tsebe e tla ba neng. Eupša ke re, go tloga bjale go ya pele, e ba o lokile motsotso wo mongwe le wo mongwe.

²⁹⁷ Gomme se no tšea se sengwe sa mehleng. O se ke wa dira seo. O se ke wa khutša, mosegare le bošego, go fihla o boletše le Modimo. Ipoloke wenamong go tloga bohlanyeng. O se ke wa hlakahlakana ka khuduego. O se ke wa dira seo. Seo ke se se

tlišago dilo tša bogwaragwara tše ntši le go dira batho go se boifa, le a bona, ke ka baka la bohlanya bja bogwaragwara. O se ke wa amogela seo; le gatee. O dula thwi fao go fihla o bolela le Modimo. Morago ga tšohle, ke soulo ya gago, gomme ke wena yo a yago go ja Bokagosafelego ntle mošola. Gomme e ba le nnete gore ga o no šikinya diatla le go bolela thutotumelo, goba—goba go amogela se sengwe ka tumelo. O se ke wa dira seo. Wena bolela le Modimo. Dumelela Modimo go bolela le wena, gomme šetša se se diregago go wena. Šetša ditlhologelo tša gago le se se diregago, morago o tla tseba ge eba o boletše le Modimo goba aowa.

²⁹⁸ Go lena ba le Mo dumetšego mosong wo. Go lena, gomme ke—ke boletše ka dipitšo tša aletara. A le tseba ka mo ba e dirilego ka Beibeleng? “Ba bantši ba ba dumetšego go Morena, ba bantši ba ba dumetšego go Morena ba kolobeditšwe Leineng la Jesu Kriste bakeng sa go tlošwa go dibe tša bona.” Ge o se wa tsoge . . . Ga se re tsoge re bile le dipitšo tša aletara. Ga se ba tsoge ba bile le batho ba etla godimo. Ge le dira seo, le hwetša se sengwe le se sengwe. Mothaka šo godimo aletareng, wa go lebega swele, o khunama fase, gobane yo mongwe o lekile go mo hwetša. O—o—o ne bothata bjoo gabedi go tsoge wa mo hwetša gape. Le a bona? Gomme o dira eng? O hwetša se sengwe le se sengwe ka go yona. Gomme Jesu o rile, “Bohle Tate a Mphilego bona ba tla tla go Nna.” Dulang le Lentšu lela. Modimo o tla dira se sohle sa sona. Yeo ke nnete. Modimo o tla dira ka moka ga yona.

²⁹⁹ Modimo a le šegofatše. Ke holofela go le bona gape bošegong bjo, holofela, yo mongwe le yo mongwe wa lena yo a kgonago. Ke a tseba ba bantši ba lena ba swanelo go dula ntle, kgole. Ke tla ba tlase, bošegong bjo, go kwa ngwanešu wa ka, ge e ka ba thato ya Modimo. Ga ke nyake go tsea melaetša ya gagwe bobedi.

³⁰⁰ Gomme—gomme Ngwanešu Neville ke monna yo mobose wa Modimo. Gomme ke a tseba, ke a tseba yo . . . Ge ke mo kwa a rera, ke a tseba e tla go tšwa thwi pelong ya gagwe. Ke tseba seo. Gomme Ngwanešu Neville, bjalo ka ge a boletše bošego bjo bongwe, tshwayo yela, o rile ke dirile tshwayo, “Letšatsi le lengwe ke tla mo kolobetša ka go la Jesu Leina.” Ke dirile. Gobaneng? Ke bone tlhokofalo le potego ka go yena. Ke tsebile ge a . . . kgonago tsoge ya neelwa yena, gomme ke bone o . . . gomme o—o be a ka kgonago Le bona, mahlo a gagwe a be a tla bulega, o be a tla Le amogela. Ke letile, gomme ke botša kereke, “Le se ke la tshwenyega, moreri yola wa Methodist o tla tla gabotse.” Gomme šo yena lehono, modiša wa tabarenekele, go no kgwahla ka mošomong ka mo a kgonago go ba, ka Molaelšeng. O dumela Modimo. Gomme ke a tseba, ge ke ekwa se sengwe go tšwa go Ngwanešu Neville, ke a tseba ke sa mmapale, go tšwa go Modimo, gobane ke mohuta woo wa monna.

³⁰¹ Ke beile diatla tša ka godimo ga disakatuku tša lena fa tše di rapeletšwego godimo. Go tshepeng, yo mongwe le yo mongwe

wa lena o amogetše tšhegofatšo go tšwa go Modimo. Go tshepeng gore Modimo o pelong ya gago.

³⁰² Ga re—ga re tle fa go—go hwetša tšhegofatšo go tšwa go Modimo, bontši kudu, bjalo ka ge re etla fa. Letšatši le lengwe le le lengwe re hema mohemo re ne tšhegofatšo go tšwa go Modimo. Se re tlago fa go se dira, ke phošollo, go ripa, go bolotša dipelo tša rena, le go tla pele ga Modimo, le go dumela Modimo ka dipelo tšohle tša rena.

³⁰³ Elelwang Lentšu la Morena. Gomme le se lebale, gomme le se šitwe, go lebelela godimo go leswao la therešo le rometšwego go tšwa go Modimo.

Gomme ka gona ke ya go bušetša tirelo go Ngwanešu Neville, go mo dira a bolele e ka ba eng a dumago go e bolela.

[Ngwanešu Branham o tlogela phuluphithi, gomme Ngwanešu Neville a re, “Ka nnete ke, nna, ke a le botša, ke tsebile gore Modimo o tiišeditše se re bego re se letetše mo mathomong a tirelo. Ge ke lebelela go kgabaganya nomoro ye ya difahlego, mosong wo, ke a tseba gore go bile gabotse gore le bile fa. Gomme e bile go gobotse gore ke bile fa. Gomme ke be ke swanetše go ba fa, gomme le be le swanetše go ba fa. Thomo ya lena e phethagaditšwe ka nepagalo ge le e tsea go ba bjalo. Se le nago naso mosong wo, le kgona go ba le sona gobane le se amogetše go Modimo. Gomme ka pela re ne tirelo ya kolobetšo, e latela ye. Gomme Ngwanešu Willard Collins o tla be a sepediša ka go tirelo ya kolobetšo, gomme re ne ba babedi goba go feta bakolobetšwa. Gomme re tla rata go bona bakolobetšwa ka lekgolo bakeng sa kolobetšo Leineng la Jesu Kriste, mosong wo.”—Mor.] Amene! [“Ikemišetše go pealatša tumelo ya gago ka fešene ya go bonagala. Tumelo ga e tsoge ya šoma. Tumelo, e bolelwago, ga ya loka. Eupša tumelo, e šupetšwago, ke tshepedišo ya Beibele.”] Amene! Yeo ke nnete. [“Ka go obamela, tumelo e ka bontšhwa. Anke Modimo a fe go e ka ba mang, mosong wo, yo a lego fa, yo a ikwelago go bewa nyanyeng go dira bjalo, anke le tle. Ge se se le... Ge se se le gannyane ka ntle ga tshepedišo ya gago ya se o se beakantšego, goba mohlomongwe o ne peelano ka pela go e dira, goba se sengwe, ge o ka kgona go ditela yeo, le go ya go kgabola ka tiro ye ya go obamela; ke a dumela bjalo ka ngwaneno wa go kokobela ka go Kriste, gomme bjalo ka mošomišani le moprefeta wa Modimo, ke a dumela e tla—e tla ba kgetho ya gago e kaonekaone, go dira sephetho seo bjale.”] Modimo e fe...?...[“Gomme e fe gore o tla tla, le go tsea lefelo la gago magareng ga ba bangwe ba e lego ba go kolobetšwa, gore o tla ba ka go palo ye, go dira mohlape o monnyane. Oo, go a makatša, a ga go, go ba yo mongwe wa ba Gagwe, le go ba go ya ka Lentšu la Gagwe? A re ka ema mmogo bohole, ge re eba komana go phatlalala. Lamorena la go latela, Ngwanešu Branham o tla ba morago le rena gape. A re elelweng tsebišo yela. O rile o tla ba

tlase fa bošegong bjo, eupša ga se a re o tla direla. Golebjalo, tlhogeloa ya ka, ka mehlā, gore o tla dira. Gomme ga a hloke go boifa kafao ke emego ka seo. Tlhologelo ya ka nnete kudukudu, go tsebeng gore Molaetša le pi—pi pitšo, ofisi ye a nago nayo, ke tlhoko ye kgolo ya letšatši le la mafelelo. Ke fa lefelo, nako e ka ba efe. Ke tla bolela se ka bogoneng bja batho le yena. Ke, ka kgahlego go fa lefelo, nako e ka ba efe, ka go tirelo e ka ba efe, bakeng sa Molaetša o bohlokwa wo ke o dumelago. Gobane, Modimo o boletše ka bobedi bja rena, mosong wo, a bontšha leswao la wo. Gomme ke thabile go ba le monyetla wa go kgona go no ba yo a kgonago go fa sekgala go yena. Gomme ke tla rata, bošegong bjo, gore ke tla thakgala go, ge ngwanaborena, le mohlanka wa Modimo le moprofeta, a beilwe nyanyeng go dira bjalo, ka go thakgala kudukudu ke tla mo fa lefelo. Feelaa ka lentšu la gagwe le nnoši, e ka ba eng a ikwelago. Eupša, o boletše, gomme re tla no khutšiša mafetšo a selo ka moka ka diatleng tša Ramaatlakamoka Modimo.” Ngwanešu Branham o boela phuluphithing—Mor.]

³⁰⁴ O be o ka se kgone go kgopela se sengwe se se bosebose, a o be, go tšwa go ngwanešu wa kgonthe? Lebaka le ke . . . Le a bona, bagwera, ke—ke a tseba le a nthata. Le rata Ngwanešu Neville. Le rata batho bohole ba Modimo. Re ratana seng. Ge go be go le nako re swanetše go ratana seng, ke lehono. Re swanetše go batamelana mmogo, ngwanešu, gore re no . . . Re tla ba kudu go ka kgonthe go feta banešu le dikgaetšedi ba madi. Leo ke lerato le le swanetšego go ba ka dipelong tša rena sebakeng sa seng sa rena, tlhomphokgolo le ditlhompho, godimodimo. Gomme ke rata yeo. Ke rata selo seo sa kgonthe.

³⁰⁵ Gomme fa, Ngwanešu Neville, le Ngwanešu Higginbotham, Ngwanešu . . . Ke a dumela e be le Ngwanešu Funk, eibile ga e kwagale boka yena, yo a fago molaetša wola morago kua. Wo o tšwago . . . e tla go tšwa go Modimo, yona melaetša, mogwera, e dirile ka kgonthe. E ka ba mang yo a nago le tlhatho ya semoya o tseba seo.

³⁰⁶ Eupša sese se se lego. Go tleng, ke—ke rata Ngwanešu Neville kudu go fihla ke nagana se, le a bona. Ga—ga ke rate go bolela selo ntle le ge ka kgonthe ke ne se sengwe go tšwa go Modimo go le botša. Le a bona? Gomme ke bile le se—se go tla pelong ya ka, e ka ba matšatši a mabedi goba a mararo a go feta, gomme ga se ke hwetše go se lebelela kudu go fihla bošego bja go feta, kitimišitše Mangwalo a se makae. Ke lebaka leo ke tlago go se rola. Se tlogile diatleng tša ka bjale. Le a bona? E ka ba eng le se dirago ka sona, se godimo, se tla ba, go lena, le a bona. Eupša se tlogile seatleng sa ka.

³⁰⁷ Eupša, Ngwanešu Neville le nna, re no ba ka tsela yeo. Ge ke etla tlase fa, go no—go no bolela se sengwe, gomme se sengwe boka seo, gomme Ngwanešu Neville o bile le molaetša go tšwa go Modimo, ke be ke dula fase thwi. Ee, ka nnete.

Ke be ke tla fa lefelo go molaetša wa Modimo, ka mehla. Le a bona? Ke ka tsela yeo re diranago seng sa rena. Gomme ke ka baka leo ke rego ke tla . . . Ge—ge Modimo a sa mphe e ka ba eng, gona, mohlomongwe, go no bolela, gomme ge Modimo a efa Ngwanešu Neville e ka ba eng, gomme ke fa thwi ka phuluphitthing, Lamorena mosong, Lamorena bošego, e ka ba neng kapa neng, Ngwanešu Neville o tla no, o tla ba ngwanešu bontši kudu, o tla tla go nna, a re, “Ngwanešu Branham, ke go dumela go ba mohlanka wa Modimo, eupša Morena o sa tšo mpha molaetša.” O tla dira seo, a o be o ka se ke? [Ngwanešu Neville o re, “Amene.”—Mor.] Ee, mohlomphegi.

³⁰⁸ Ke dira go swana go yena, ge a be a eya go bolela. Ke tla re, “Ngwanešu Neville, a o ka ntshwarela? Modimo o mphile molaetša. Ke swanetše go o bolela go batho, gonabjale.” Gomme yena, Ngwanešu Neville, o tla tšwela thwi ka ntłe ga tsela; e ka ba mang wa rena, seng sa rena. Le a bona? Yeo ke tsela ye re dirago. Gomme ka gona ge re, ge ke se ne selo e ka ba sefe se se itšego, gona ke . . .

³⁰⁹ Ke no rata go mo kwa a rera. Ka mo kwele. Ke ba bakae ba mo kwelego, Lamorena la go feta bošego? Molaetša wa go makatša bjalo, ke a le botša. O tlemagana thwi ka gare, se se boletšwego mosong.

Gomme, batho, ke a le botša, le na le Lentšu la Modimo la go lekanelo gore ka nnete le swanetše go phela gabotse gomme le be gabotse.

Modimo a go šegofatše bjale, Ngwanešu Neville.



LESWAO LA THEREŠO LEO LE TSHEDEŠITŠWEGO MAHLO NST61-1112
(A True Sign That's Overlooked)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Nofemere 12, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org